



ጵጵጵ ጵጵጵ ጵጵጵ
Canaan ጵጵጵ ጵጵጵ ጵጵጵ ጵጵጵ
The Church of Jesus Christ of Latter-day Saints



GEELKHOLHNA KICIAN
TAWH PIKNA AH
LUNGNOPNA

2026

SUMPI HANTHOTNA

Zolai-let:

Sia Tung Mang (*Sabbath 1–40*)

Siam Lunboih (*Sabbath 41–52*)



LAIGELHPA TANGTHU

Julian Archer

2026 kum Sumpi hanthotna thulupi “The Joyful Art of Systematic Giving” “Geelkholhna Kician Tawh Piakkhiatna ah Lungnopna” ci-in Zolai tawh kilet hi. Julian Archer kum sawmthum a phak ciangin sum leh pai zonna pan

khawl in “Faiah vs. Finance” (Upna leh Sum leh pai) cih Pasion nasepna khat nei hi. *HELP! I’ve Been Blessed!* kici laibu a gelhpa zong ahi hi. Pasion thupha ih san te hamsiatna ih suah sak loh nang cih thu gen in, ama nuntakna ah Pasion thupha piakte a hawm sawn nuam, Pasion hoihna agengen nuam mi khat ahi hi. Tu-in Julian in South Pacific Division ah Stewardship Director panmun a let laitak hi. Paunak 31 sung ah zi hoih dan mah a ahoih, Melinda tawh kiteng in Tapa nih nei uh hi. Julian in “Lungdamna tawh nuntakna-in piak khiatna ah hong thahat sak hi ci hi”.



Sabbath 1. January 3. 2026

Geelkholhna Tawh Piak Khatna

Geelkholhna tawh piak khatna cih kammal pen leitung bup Pasion nasepna ding sawm- a – khat leh citpiak sumpite ngimna hoih mahmah tawh kician tak a ih khol khat, ih khenkhat na ahi hi.

Sawm-a -khat leh citpiak sumpi pen gammial phutna, khuamial phutna in tanglai mi masa SDA pawlpi ten limtak in na zang uh hi. Pasion gam leh pawlpi a tang zai semsem na dingin phalna tawh na pia khia uh hi.

E G White: “Ih piak khatna pen lungsim thusuak mawk mawk tawh piak khatna hilo hi. Pasion tungah kician takin gelkholhna tawh ih piak ding hong hilh khin zo hi. Pasion sumpi leh sawm-a-khat ih piak kik ding pen, ei mihingte mawhpuak ahi hi. Pasion thupha na sanna sung pan Sawm-a-khat na khen khat khit ciangin, na lungsim phalna takpi tawh citpiak sumpi ding khen khia lai in. (*The Review & Herald, May 9, 1893*).

Geelkholhna tawh piak khatna tuhun in kisam lai hiam cih hong dong lecin kisam lai mahmah hi. Tanglai hun sangin tuhun ah kisam zawkan lai hi ci-in kong dawng kik ding hi. Mission nasepna, pawlpi vaite, leh Leitung bup nasepna pen na piak khatna hang in kizo zo ding hi. A hih hangin Leitung mun tuamtuam a om pawlpi khat ciat ah kispna hong tam semsem a, ih citpiak sumpite hong tawm semsem ta hi.

Ngetna

2026 kum Sabbath masa ah Pasion' tungah sawm-ah-khat leh biakpiaknate ih piak kawmin, hih kum thak sung khempeuh geelkholhna tawh pia dingin kalsuan ding khensat ni. 2026 kum sung khempeuh ih ngah sumte pan khenkhat khenkhia in, Pasion' nasepna ading ih pawlpi sung leh leitung mun tuamtuam adingin kiciantak in pia ni. Pasion hong piak na thupha san te na kepsiamna, na zeksiamna hangin lungdam.

XXXXX



Sabbath 2. January 10, 2026

Jesu'n Khol, Ken Zangkha

Jesu in khol maw, a zang khia pa? Amah pen mi cingh mahmah piakkhatna hat mahmah khat hi mah leh Lai Siangtho in a mawkrat pa cih danin ciamteh lo hi. Ni khat in nai 24 om a, kalkhat in ni 7 om mah leh phengzat, hun mawk bei sak cih bang omlo hi.

Pasian in a vangliat na tawh mi 5000 moh leh ngasa tawh ann vak hi mah leh mawkpaih sak lo hi. Jesu'n a nung zuite moh leh ngasa val lai teng a khop kik ding uh sawl bek thamlo in, a themneng kia na ngawn a top kikna dingin thu pia hi. Bang hangin tuadan hih sak hiam? "a mawk val ding / mawk paih ding a deih loh man hi." (**John 6;12**)

Na thei maw? Pasian in tuadan in na lamdang bawl thei hi mah leh seng 12 pan seng 12000 piang thei hi cih a thei saknop man ahi hi. Mawkpaih ding mawkbei sak ding cih deihlo hi.

Pasian in ni khat khit ni khat, kum khat khit kum khat thupha hong piak ciangin, ki manna neilo pi-in sum leh pai, neih leh lamte ih mawk zat, beisak ding baih thei mahmah hi. Pasian thupha pen inn leh lo, khualzinna, leh puansilh nikten leina in kimawk bei sak hi.

Jesu in khol in kem a hih leh, eite in zong tua dan in ih hih ding kilawm zawkan lo ahi hiam?

Ngetna

Pasian tawh na ih sep khop theihna dingin sawm-a-khat leh sumpite tawh kha manthangte ki hon khia thei hi. Kiman na neilo ih mawk zat Pasian thupha ahi sum leh pai/ inn leh lo, hun leh nite hangin Pasian tungah mawh maina ngen ni. Jesu dan in ih piak khiat theihna ding leh khol a, ih kepcing theihna dingin Topa tung huhna ngen ciat ni.

XXXXX



Sabbath 3. January 17, 2025

Humpinelkaite

Lai Siangtho in Satan pen mikhem pa ci-in hong hilh hi. Satan in a sianglo/ a nin ann te limsak mahmah in, a siang ann te a limlo in bawl hi. Thuman pen zuau thu suak sak a, zuau thu pen thuman danin bawl ahih manin leitung mite lungbuai-in ih om hi.

Ei mihingte leitung thu tawh hong zol in, social media te ah followers' tam thei thei, lawm leh gual sangin gamdang mun tuam tuam ah khualzinna cihte hong pia mah leh Jesu piak dan lungnopna man taktak kingah zolo hi.

Larry leh Bill a nasepna uh Kampany (Company) pan nasep kikhawl sak a, nasep ding a dang zong himah leh muzo paklo uh hi. Ganhing khawina ah lai kisuang Bill in hong mukha a, Humpinelkai khat mat zawh leh dollar 5000 kipia cih thu ahi hi.

Larry leh Bill zong Humpinelkai omna gam lakah tuno khat tawh, Humpinelkai matna ding van tuamtuam leh a khumna ding buk tawh hong kuan khia uh hi. Muah leh guam kantanin hong pai uh leh mun khat dumthuk sung ah humpinelkai hon khat akia hong muh uh ciangin, "Bill in ih hau ta hi, ih hau ta hi" ci in hong awng khia hi.

Note pilvangin khua phawk un. Na gal uh ahi Dawimangpa, humpinelkai bangin a nektheih ding zongin vak kawikawi hi. I Peter 5: 8

Ngetna

Pasian thupha piakna leh hong kepna te ih ngaihsut ciangin Ama tungah sawm-a-khat leh kamciamte thumanna tawh pia kik ni. Lungnopna leh nuntakna kicing Pasian bekin hong pia thei cih phawk ciat ni. Tuni thumanna leh cihtakna tawh napiak khiatna hang in lungdam.

XXXXX



Sabbath 4. January 24, 2025

Sawmkhat Dinmun

Sawmkhat panmun (or) manphatna na za ngei hiam? Tanglai mipil ten a zuihsa uh thu hi a, tuni dong mitampi in zang lai uh hi. Hih sawmkhat nasepna a zang innkuan tampi leh mitam pitak in hamphat lawh uh a sum leh pai haksatna panin pengkhia thei uh hi.

Tua in hihdan ahi hi, Pasion in nang thupha hong pia in sumlut na neih teh khen-thum in 10 khat ta kikhen hi.

10% pen Pasion sumpi (Sawm-a-khat) = Pasion tung ah cihtakna, thuman na leh lungdamna lahna hi. Napiak khatna hangin Pasion thupha na sanna, na phawkna hi a, sawm-a-khat pen nang a hilo, Pasion a cih na phawkna ahi hi.

10% pen (sumpi) = Hih sawmkhat pen na kamciam sumpi hi a, piakkhatna leh hawmkhatna zong ahi hi. Pasion thupha na sanna, na phawkna zong hi a, ngahna sangin piakna ah Thupha om zaw hi cih na telna zong ahi hi.

10% pen na khol ding = Hih pen nang leh na innkuan thupha ahi hi. Na innkuan un na khol ding uh hi a, thu-phamawh khat peuh hong om ciang adingin kigin kholhna ding ahi hi. Lai Siangtho in kiginkholna hangin haksatna hun ah ih zat theih dingin hong hilh khin zo hi.

Malachi 3 ah, Pasion in Amah ze-et dingin hong gen khin zo hi. Sawm-a-khat leh kamciam sumpite piakna/ khenkhatna in sum zeksiam na hong pia hi. Pasion thupha taktak pen mi dangte tungah piakkhatna, ei mahmah a ding sumkholna leh pilvangna tawh sumzekna ahi hi.

Ngetna

Topa tungah a hoih pen leh na ngah masak penpen te na pia hiam? Pasion in a tate cihtak ding leh thumanna tawh pia dingin hong zawn hi. Lai Siangtho in hong hilh khin zo hi. Agam leh a dikna zong masa te'n thupha ngah ding uh hi. Tuni Pasion gam adingin na piakna hangin lungdam.

XXXXX



Sabbath 5. January 31, 2026

Mi-it in, Pia In

Tuni sehsuah leh sumpite ih piak kawmin mipil khat gen lungngai ni: Tuhun mihing te'n nate leh hunte mawk bei sak uh hi, ei Tapidawte midangte tungah itna lak ding leh a hawmkhia ding te hi hang.

Jesu in hong lak khin zo hi. Mittaw pa tungah buan zangin a itna lak hi. Mawhna bawl numei nu tungah leivui zangin a itna lak khin zo hi. Mopawi bawlte tungah tui lenggahzu suaksak na tawh a itna lak hi. A gilkiat mipi te tungah khomun leh ngasa tawh a itna lak hi. Jesu in siluang natna nei numei nu tungah apuan mongtep letna hangin damna pia in a itna lak hi.

A tawpna ah singlamteh tungah a nuntakna hong pia-in leitung mite a hong itna hong lak hi. Jesu in hong-it mahmah hi.

Khau bang aki kai-awk nate phel in itna hong lak hi. Mi khempeuh tungah itna lakin, galte na ngawn lawm a bawl ding, it-ding hong hill hi. Hong bawlsiate thupha tawh thuk kik ding zong hong sawl lailai hi.

Jesu nung zui khat ih-hih na in, ih neih ih lamte midang tungah pia khia a , thupha bawl ding hong zawn hi. Ih neih hun leh ni, neih leh lam, sum leh paite tawh Pasion itna lak khia dingin Jesu in hong zawn hi. Topa tawh Ama lenggah huan ah nasep khoptheihna in bangzah in nuam ahi hiam.

Phawkdin

Jesu na-it tak pi hiam? sehsuah leh sumpite na piak kawmin, nang leh nang kidong in, neih leh lam, sumleh pai, hun leh nite Topa ading na zang maw? Tua in nuntakna thubulpi taktak ahi hi. Pasion nunzia zong tua dan mah ahi hi. Topa tung cihtakna tawh na piak hangin lungdam.

XXXXX



Sabbath 6. February 7, 2026

Singlamteh: A Bulphuh Tapidawte

Mun khat khat ah Lai Siangtho pen a kitukalh tawh kibang hi. Gentehna in, **Matthai 6** ah “Mittang in pumpi aa dingin mei vak ahi hi.” Matthai 6 alai-lam leu leu ah “Na sum na paite uh hih leitung ah khol kei un” “Kuamah in to nih na semkhawm thei lo hi” (**Matthai 6: 19, 24**).

Leitung nate leh Jesu “Sep khat in Pasion na leh Leitung nate nasem thei kei ding hi.” cih pen mittang tawh bang kisai zenzen ahiam?

A lunglut huai na tuamtuam te ih lunggulhna, ih etna hangin Pasion hong piak thupha te bang cih zat cih tampi tak hong huzap zo hi. Jesu in vauna hong pia ahi kha diam? Ih taklam mittang tawh van hauhna ih et laktak in, ih veilam mittang tawh lei hauhna ih en kha hiam? tua bang ih hih khak leh, “Mittaw Tapidaw” ih hi a, Van hauhna taktak ih lunggulh zo kei ding hi.

Pasion tungah lungdam ih koh ding ahi hi. Jesu pen lampi bek hilo in, ih pai na ding hong lak ih khuavak zong ahi hi. Jesu nung ih zuih leh ih mittang a-om nin te hong hepkiat sak ding hi.

Ih mittang nih mah tawh Jesu Singlamteh mitsuan a, a nunta Tapidawte ih hih zawhna dingin hanciam ni.

Ngetna

Tawntung lungdamna neihna dingin, Van hauhna zong masa ni. Sumpi leh sawm-ah-khat ih piak kawm, hauhna khempeuh hong pia Jesu mitsuan ni. Lungdam ung Jesu.

XXXXXX



Sabbath 7. February 14, 2026

Na khempeuh Ka Nei Hi.” Tua a Hih kei leh “Bang Mah ka Nei kei

Nungzui te'n Jesu tungah thu dong kik hamtang ding uh hi. “Topa atakpi mah maw” khut guak tawh pai takpi ding maw? Sum leh pai, silh leh ten, neek leh dawn, khedap kenglo/ pualo in pai tak pi ding maw ci-in dong hamtang ding uh hi.

Jesu in himah hi. Pai-in kuankhia unla mi cina te damsakin, miphakte damna pia unla, dawiveite honkhia un ci-in thu pia hi.

Matthai thubu sungah upna tawh kalsuan ding Jesu in genbel in nei hi. Bang mahlo tawh pai-in, kuan khiat ding ahi hi. Bangmah lo panin “Na” khempeuh piang thei hi cih nungzuite tung pan ih sin zo hi. Lai-Siangtho in tuapen “Upna” hang hi ci hi.

Kum tawmno khith ciang Peter leh John khasiangtho tawh hong kidim uh a, Biakinn kong a khutdawh ngenpa tawh hong kimuh uh ciangin “kham leh ngun ka nei kei hi, ka neih khat hong pia ning, Nazareth mi Jesu min tawh tho inla kalsuan in ci-in thupia a, tua mipa zong thoto in diangin hong lam pah a Pasion min hong phat hi. **Sawltak 3: 6**

Tulai 21century a khangkhia mite Peter leh Johan bangin kham leh ngun ka nei kei hi kici thei lo hi. Bang hang hiam cih leh kham leh ngun sum leh pai kinei sim ciat hi. Tua bang ahih hang in “Nazareth mi Jesu min tawh tho in la kalsuan in” cih ding haksa zaw kan lai hi.

Inn leh lo, neih leh lamte in na upna hong thanem sak zo hiam?

Hih thu piang na lamdang pan Peter bangmah neilo pan in “Na khempeuh nei ahih lam thu i sinthei hi.

Ngetna

Sehsuah leh sumpi na piak kawmin, Pasion kiang na upna hong neusak/ hong daltan nate hong hepkiat sakna dingin ngen in. Pasion vangliatna na muhna dingin thungen in. Pasion in septheihloh neilo hi.

XXXXX



Sabbath 8. February 21, 2026

Sawlina: Upna Logam

1915 kum in Ellen G White si hi. Kum sawm 70 sung vilvel lai tuamtuam at hi. Cidamna, pilna, Pasion thu, innkuan, nuntakna picing, thunget zia, leh makaihna cihte laibu tuamtuam at hi.

E G White / Kamsang Nu lai-at pen kampau 150 bang kilet khin zo hi. American mipil laibawl tampi sangin laibu tam at zaw hi. Article 5000 val at in, laibu 40 val bawl a, laimai 100000 val lai-at na neih hi.

Mitampi-in a lai-at lakah ahoih penpen leh thupi penpen ci-a aciaptah sak lai en dih ni. Hih lai telcianna ih neih leh, nuntakna guicing, ih upna leh sum leh pai cihte ih-telcian ding hi.

“Pa Pasion in Jesu a ompih manin, kuamah in Jesu langpan zolo in, Ama itna leitungah hong lak hi. Pasion hehpih na ei mihing te ading zong ahi hi. Jesu itna sungah a om mite khataw a kidim mite ahi uh hi. Galpa thaltang leng te in Jesu tungah tu hi. Bangbang apiang zongin Jesu in ei adingin hong dalsak hi. Jesu phalna omlo in kuamahin hong suzo lo hi” “Ama geelna bangin a sap Pasion a it mite aa dingin, amah in na khempeuh a hoih dingin a kituak in piangsak hi cih ih thei hi.” **Rom 8: 28**

Anuam huai kamciam hi lo maw. Jesu tawh ih kipawl nak leh, ih galte siah thang Jesu tektek in hong zuun khiat sak hi. Ih galte'n hong ngimna thal Jesu tungah tu masa hi. Jesu in ih galte thangsiahnate, ih hamphatna ding ahi zaw dingin hong bawlsak hi.

Ih nuntakna Jesu khut sungah om hi. Bangzah takin muan huai ahi hiam?

Phawkding

Lungsim takpi leh kipakna takpi tawh ih sehsuah leh sumpite pia ciat ni. Jesu pen ei hong hon pa leh gumpa ahi hi. Jesu ei tawh hong om peuh leh bangmah lau ding omlo hi. Nek leh dawn, silh leh ten ding lung hihmawh kullo hi. Thuman tak a na piakna tungtawn in lungdam.

XXXXX



Sabbath 9. February 28. 2026

Lam-et Bei: SiKhang Natna

Jesu in ci hi “Midangte tungah pia un. Tua hileh Pasion in note tungah zong hong pia ding hi. Bang hang hiam cih leh midangte na piakna uh tawh kizui-in a henen, a tahtah, a dimletin Pasion in note tungah hong pia ding hi.” (Luka 6: 38).

Tuhun leh, tuma kum 2000 lai pek panin Pasion nasemte leh huhna dong mi kehmpeuh in “Ngahna sangin piakkhiatna ah thupha om zaw hi” ci tek uh hi. Hih thu pen thumaan mahmah ahi hi. Angsung khualna nial-in mi tungah huhna ih piak ciangin ih lungsim tawng pan nuamna leh kipaakna omden hi.

Thukante’n hih bangin mukhia uh hi, piakkhiatna in lungdamna khangsak hi ci uh hi. Tua bek thamlo in, lungdamna sangin athupi zaw hamphatna tampi kingahthuah lai hi ci uh hi. British Columbia University te’n tua thu kankhiatna hong nei uh hi.

Kal thum sung, sikhang natna nei mite dollar 20 ta pia in, mi pawlkhat amau deihna ah zang sakin, puan silh nikten, ki-zepna tuamtuam leisak uh hi. Mi pawlkhat leuleu midang te tungah huhna pia kik dingin sawl uh hi. Veng leh pam ah nek ding neilo mi zawngkhal te tungah huhna piasak hi.

A muhkhiatna uh hi bang ahi hi. Amau aituum ading a zang sikhang natna neite ahih leh, bang mah kilam danna omlo hi. A langkhat ah piakkhiatna a pia tua sikhang natna neite a sikhang uh tampi tak kiamtuam in, a ci-uh zong dam zaw uh hi. Piakkhiatna in Thupha taktak hi.

Siavuan te’n “na sikhang a bei dong huhna pia in” ci kha thei ding uh hi.

Phawkding

“Ngahna sangin piakna ah Thupha om zaw hi” cih thu a man taktak hi. SDA pawlpi mite Pasion in midangte tungah thupha bawl dingin Ama thupha tampi hong pia hi. Lungdam, kipaak na tawh sumpi leh sawm-ah-khat pia in. Na thupha sanna hangin Pasion tung lungdam ko in.

XXXXXX



Sabbath 10. March 7, 2026

Ki-Cing

Ei mahmah tam veipi thu ih-kidot in sumlut bangzah nei leng kicing cih thu ahi hi. Hih thupen kidot huai thu khat mah ahi hi.

Tapidaw khat hihna tawh “sum leh pai kicing nei ing ih ci ngei hiam?”

Ih-tenna gam, kum khat sung pongman sumlut sangin azah 10 in sum lut ih nei hiam? tua ahih kei leh azah 20, azah 50, azah 100 sumlut atam zaw ih deih hiam?

Mi khat genna ah: Haitang or Haipawn tang katawp nawn loh teh kicing cih ka thei ding hi ci hi. (Gennopna in: *Ann neek ding kicing neilo cihna ahi hi*).

Pension laksawm mikhat hong genna ah sum tampi ka khol kul hi, ka pension ciangin nuntak nuam tawh ka nuntak kul ding hi hong ci hi. Jesu nung zui eite e leh ih kilamdang na a om diam?

“Kicing” cih pen ei mimal tungah kinga zaw hi. Tapidaw te adingin bangzah nei leng kicing ding cih hi zaw lo a, ih neihna tawh kituakin Pasion tawh ih kinai na hi zaw hi.

Tua ahih manin, ih lungsim leh Pasion bang zahta kinai hiam?

Nek leh dawn ding tawh i buaibuai lai leh ih nuntakna kipuahphat mahmah kul lai hi.

Ngetna

Sumpi leh sehsuah te ih piak kawmin Pasion tawh hong kigamlasak nate Pasion hong lahna ding ki-ap in. Pilvang in nungta inla, Jesu pen deihna khempeuh kicinna hi cih thu phawk in.

XXXXX



Sabbath 11. March 14, 2026

Leitung Bup Adventist Radio Thu Tangkona

Mi awntampi tungah Pasion nasep theihna dingin hong khen, hong dal, thukham tuamtuam cihte omlo hileh ci-in na ngaih sun kha maw? Leitung bup Adventist Radio thu tangkona (AWR) in huihpi tung panin gammial phu Pasion na semte a pai theih lohna mun tuamtuam ah tawntung lungdamna thu leh nuntakna thu vapuakin mi tampi nuntakna kikhel sak hi.

Radio in Gam-uk kumpi thukhun, thukhamte kantanin, ngeina kibang lo te, lai theilote leh minam tuatuam tungah thu tangkona nei thei hi. Radio pen setvan tawh kisai lakah a man tawm penpen hi a mi kimin kinei zo hi.

AWR Radio tungtawnin pau nam tuamtuam tawh thu tangkona hangin mitampi Jesu thu hong thei uh hi. Kampau 100 val tawh Pasion thu tangkona kinei hi. Ei kampau ciat tawh Pasion thu genna ih zak, ih ngaih khak pen khum kisa ngeungeu in ih lungsim hong bundeuh hi. AWR makai Sia te'n pau nam tuamtuam behlap ding geelna nei uh ahih manin sum tampi kisam beh hi.

Radio pan Pasion nasem siate pil sinna Sang tuamtuam tawh nasem khawmin Pasion thu tangkona mun tuamtuam ah nei uh hi. AWR in kumsim in laikhak 100,000 (teng1 val), phone sapna, leh email tuamtuam tampi kingah hi.

AWR mungtup pi-in leitung bup a om mi-awn tampi tungah Pasion thu kangkona neihna ding hi a, pau 200 val tawh tangkona neih ding lunggulh hi. Na sum, na pai tawh nong panpihna hangin hih geelna teng hong tangtung ding hi.

Ngetna

Na pawlpi ah sumpi piak ngeina tawh sumpi na khiat leh AWR Radio pan Pasion thu tangkona, nasepna pen General Conference's World Mission Fund pan kingah ding hi. Ahih hangin AWR tungtawn a na piak nop leh na sumpi khiat pen sehsuah khiatna lai-ip tungah AWR ading cih at in. Nang deih teelna hi. Lungdam.

XXXXX



Sabbath 12, March 21, 2026

Ama Khutma Kem Cing

Kumpite, gam-uk uliante leh sitni te'n kim leh pam kepcing ding hong hanthawn mahmah uh a, ei Tapidaw te zong hidan mah ih hi hi.

Ih nunna sim leitung hong kisia in tawntung nuntakna ding lei thak hong piang ding cih Lai Siangtho in hong lim gen mahmah hi. Tua bang ahieh leh akisia cip ding hih ih tenna leitung ih puah ih zun kul nawnlo maw?

Nang leh kei Pasion in muanna tawh hong piak, hong ap hun leh ni, siamna te, neih leh lamte ih-kep cing ding hi zaw bek thamlo in, sepna, bawlma -ah lungdamna om zaw hi. Lei mihingte nuntakna bulpi pen Pasion bawlsa nate kepcing a ih zuun, ih puah ding ahi hi.

Piencil 1: 26 in bang ci hiam cih leh - Tua ciangin Pasion in, "Eima lim, eimah hong sunin mihing bawl ni. Tuipi ngasate tung, huihlak vasate tung, ganhingte tung le leitunga, a bok vakte tungah ukna neisak ni" a ci hi.

Tua ahiehman in ei mihingte hong kibawlma pek in Pasion bawlsa nate kep cing ding Pasion geelna ahi hi.

Pasion khutma ahi, hih leitung a om, na khempeuh ih kepna, ih zuuna, ih puahna in bangzahtak in angtang huai hiam. Hih leitung ahieh leh kizuun, kikem zolo himah leh Vankuum nuai a a-om na khempeuh lakah a etlawm penpen leh a hoieh penpen mah hi veve hi.

Hih leitung pen Pasion khut in tuam hi. Tua ahieh manin Pasion bawlsa nate cihtakna tawh kemin zuun ciat ni.

Phawkding

Sumpi leh sehsuah te ih piak kawmin Pasion in ih kep dinga hong piak piangsak nate puah in zuun ciat ni. Jesu hong pai kik madong, Ama bawlsa nate it-theihna, etlawm sak theihna leh zuun theihna lungsim ih neihna dingin Pasion kiang thungen ni. Tuni cihtakna tawh na piak khat sumpi leh sehsuah tungah lungdam.

XXXXX



Sabbath 13. March 28, 2026

Heinz, Kraft, Wrigley, Hershey, and Colgate

Sehsuah piakna in Lai Siangtho hong hillhna hi a, ih metbawl neih leh lam, ih san khasum sung pan leh ih summet bawl na te sung panin Pasion ann-sal ading ikholna ahi hi. Lai Siangtho in thumanna tawh ih piak ding hong gen himah leh ei Tapidaw sungah sehsuah piakna vai tawh kibuai thei zelzel hi.

Mi pawlkhat te'n sehsuah piakna pen Judah mite ading bek hi ci uh a, tuhun ciangin ih neih khempeuh Pasion piak dingin hong kigen hi mah leh sawm-a-khat (10%) sang a tawm zaw Pasion kipia hi. A dang khat ah Tapidaw pawlkhat in mantakin sehsuah pia mah leh mizawng daipamte, dongtuakte tungah hehpihna neilo uh a zong phawk khak in neilo uh hi.

“Leitang pana piang khaici ahi a, singkung pana piang singgah ahi zongin leitang pana piang khempeuh ii seh sawm suah seh khat pen TOPA aa ahi hi TOPA aa dingin siangtho hi.” (**Siampi Laibu 27: 30**)

Malachi 3: 8-12 bulpuh in Seventh-day pawlpi mite Pasion tungah seh-sawm-suah-seh-khat tawh acihtakna uh nalak khin zo hi. Leitungah mihau Company nei Brand minthangte ahi Heinz, Kraft, Wrigley, Hershey, leh Colgate cihte zong sawm-ah-khat na pia ciat uh hi. Hih mihau te sehsuah piakna tungah citak mahmah cih thu na za ngei hiam?

Jesu in Pasion tungah cihtakna tawh sehsuah piak ding hong gen hi, tua hileh Leitung bup lungdamna thu kizelin a sawtlo in Jesu hong pai baih ding hi.

Tuni-in hih athupi mahmah dotna ei leh ei kidong ciat ni: Ka thupha sanna leh ka sehsuah piak aki lawm hiam? ka sehsuah piak a kicing hiam?

Phawkdin

Sehsuah leh kamciam sumpite Pasion tung ih piak kawmin Pasion thupha ih sannate sungpan piak ding akilawm ih piak khak lohte Pasion in hong phawk sak kikna dingin thungen ni. Upna tawh kalsuan kawmin pia ni. Thumanna tawh na piakna hangin lungdam.

XXXXX



Sabbath 14. April 4, 2026

Ei Aituam ADing A Sihna/ Angsung Khualna Nialna

Satan in Eve angsung khual dingin tuma kum 6000 lai-in nakhem a Eve zong tua ze-etna sung ah puk hi.

Tua zawh kum 4000 khit ciangin Satan in Jesu gamlak ah Ama angsung khual ding na ze-et leuleu hi. Jesu pen tua ze-et na sungah puklo hi.

Kum 3 sung Satan in Jesu'n Ama angsung khual in duhhop huaiham natawh nasep ding ze-et hi. Jesu in khat vei beek zong angsung khualna tawh nasemlo hi.

Genkholhna te tangtun hun hong tungto ta hi. Satan patau mahmahin om a, Satan in Jesu satin, tumin, bengin, zahpihin, ko- in, bawlsia lailai hi. A hih hangin Jesu mawhlo bekthamlo, thumlo, taulo lai hi.

Satan in Jesu singlamteh tungah khai-in bawlsia hi. Jesu lungsim sungah angsungkhualna themno khatbekbek omkha hizen leh Satan a gualzo pa hong suak ding hi. Dawimangpa biakna makai te sungah lut-in, Galkapte sungah lut a, tua bek thamlo Jesu tawh a kikhai mawhnei mi nihte lakah khat pa sungah lut in "Pasian tapa taktak na hih leh nang leh nang kihon khia in" ci uh hi. Ahih hangin Jesu in bang mah mawhna bawlllo hi.

Satan leh a pawlte patauh dipkuatna leh linglawngna tawh kiko in "Jesu nang leh nang kihon khia in, na hihna hong lak in" ci uh hi.

A tawpna ah, Judah makai te'n thuman a gen lam uh amau leh amau ki theilo in "Jesu Amah leh Amah kihon khia thei lo hi" ci zaw sop uh hi.

Thakhat thu in Jesu leh Mawhna nei mihingte kihonkhia theilo hi. Jesu in ei mihing te hong honkhia masa zaw hi. Tu-in Jesu'n nang leh kei angsungkhualna neilo dingin hong zawn hi.

Ngetna

Sehsuah leh sumpi ihpiak kawm in Jesu'n ih angsungkhualna lungtang te hong puahphatna ding leh hong hepkiatsak na ding ki-ap ni. Angsungkhualna omlo lungtang thak leh piakkhiatna lungsim ih neihna ding Jesu kiang ngen ni.

XXXXX



HopeChannel

Sabbath 15. April 11, 2026

Hope Channel Melmuhtongsan

Nisuahna alaizang lam a om gamte leh Africa ni tumna lam gamte ah mimal awn 574 pha hi mah leh Seventh-day Adventists pawlpi mi 7,026 bek om cih na thei hiam? Nisim in pawlpi mi khatta tua gamte ah Pasion thu tangko dingin apai hi leh kum 224 sawt ding hi. Pasion thu tangko ding kisam mahmah hi. Mimal tun thei lohna gamte ah Hope Channel Melmuhtongsan tawh Pasion thu kitangko hi.

Hope Channel Melmuhtongsan Media pen leitungbup Adventist te Pasion nasepna hi a, pau nam 100 val tawh Pasion thu tangkona kinei hi. Pasion thu tangkona kitam neih zawhlohna Middle East, Ethiopia, leh India gam cihte ah Hope Channel Melmuhtongsan Media tawh Jesu gupkhatna thu tangkona kinei hi. Melmuhtongsan, Online pan in Pasion thusin pihna tawh mitampi-in Jesu itna, tatkhiatna thu thei lawh uh hi.

Ethiopia gam mi kum 14 apha numei no pen gamsung buaina/ gal hangin a innkuan un kikhen thang mang uh hi. Cihngang theilo mailam hun ding lam-et bei aom laitak Hope Channel Melmuhtongsan Media pan Pasion thugenna ngai kha ahih manin Pasion amah tawh om ahih lam hong tel theih hi. Gal vai hangin a innkuan un kikhen himah leh Jesu itna in amah khenlo hi. Jesu itna ama adingin kicing hi.

Mangmuhna 14: 6 Leitunga a teeng gam khempeuh, minam kim, pau namkim le mi khempeuh tungah tawntung lungdamna thu a tangko ding ahi hi. Hih thu puak pen Hope Channel Melmuhtongsan tawh Pasion na akisep laitak ahi hi.

Combined Offering (sumpi) napiak na tungtawn in Hope Channel Melmuhtongsan leh Pasion thu tangkona a tuamtuam te ah kizang ding hi. Na piaknop leh Hope Channel Melmuhtongsan Media ading ci-in sumpi nakhiatna dingin hong zawn phapha ung.

Phawkding

Phalna tawh na piakna hang in, mitam pi bang dinmun ah aom zong un-Jesu thu thei lawh ding uh hi.

XXXXX



shutterstock.com · 396364882

Sabbath 16. April 18, 2026

Kisapna Thak

Nangma nuntakna ah na cycle, na mawtaw, na inn, ahik kei leh na khualzit nadingte geelna leh puahphat/ athak a laih ding na ngaihsun ngei hiam? Kei zong ka ngaihsut hun tam mahmah hi. Hih bang ngaihsutna pen a ngeina hi napi, a kisam takpi mah hiam cih ngaih sut huai hi.

Volksawgen mawtaw ki kyawgia na- ah lai hi bangin ki-at hi. “Na lunggulhna leh na deihna teng na neih zawh ciangin, tu a na dinmun sangin manpha zaw leh thupi zaw nakisa ding hi. Nuntakna nuam zaw, dinmun sangzaw ih neih khit nak leh, nunlui gentheihna te ah ki-om kik nuam nawnlo hi.

Hih pen mihingte’ pianzia ahi hi. Ih neihsa tungah lungkim lo-in, a thupi zaw, a hoih zaw leh a nuamzaw ih deih den hi. Khantohnop luatna leh huaiham luatna in midangte nuntakna sukha in, Pasion gam leh a dikna pan lam hong pial khia sak thei hi.

Nazareth khua mi Jesu nung zuite in leitung mite bangin, neih leh lam, sum leh pai te tungah lungnopna leh tawldamna ih zong kha hiam?

Laisiangtho in phincilna tawh nuntak ding leh cinghna tawh piakkhiat ding hong hilh hi. Pasion in “Neih leh Lam kicing zaw” in hong pia thei hi, Tua hi leh piakkhiatna zong ih hat zaw thei ding hi. Angsung khualna bek tawh nuntak ding hilo hi.

Tu -in, ih piakkhiat nate ih khan sak ding hun hoih penpen hi.

Ngetna

Na neihsa lakpan napiak den ahi “sumpi” leh “kamciam sum te” na piakna in Pasion tawh na nasepkhopna hong lak hi. “Midangte tungah pia un. Tua hileh Pasion in note tungah zong hong pia ding hi. Bang hang hiam cih leh midangte na piakna uh tawh kizui-in a henhen, a tahtah, a dimletin Pasion in note tungah hong pia ding hi.” (Luka 6:38). Hih kamciamna na up kei leh, Pasion ze-et in. Na nuntakna ah Ama Hoihna namu ding hi.

XXXXX



Sabbath 17. April 25, 2026

Zing Ciang Bang Piang Ding?

Mite tungah piak ding na sawm ngei hiam? Piak ding na sawm ciang dotna na lungsim ah hong suak zelzel ding hi. “Bangzah khat hiam pia leng, kei ading a om lai tam? cih dotna ahi hi. Ki ngaihsut huai thu khat mah hi. Ahih hangin ei mihing te zingciang ading tawh ki lungbuai baih a, ih-piak ding zah sangin a tawm zaw tham kipia thei hi. Tua sangin zong asuk zaw kanlai -in kipia thei hi.

Pasian in ih phawk ding thuman kamciam hong pia khin zo hi.

Paunak 11: 24-25 “Hawm khiakhia napi a hau semsem om a, Cil tentan napi a zawng semsem a om hi. A cingh mite hau semsem a, tui buakte tui mah kibuakkik hi.” Ih kamciam pen Pasian kamciam hi.

Jesu in hong gen hi “Tua ahih manin zingciang aa dingin lunghimawh khol kei un, bang hang hiam cihleh zingciang vai a ding zingciang mahin hong lunghimawh ding hi.” Jesu in hong kamciam hi “Pia un. Tua hi leh limtak a akiteh, a kihen hen, a kitat tat, a dimlet in note ang sungah hong kisung ding hi, bang hang hiam cihleh note zat tehna tektek mah tawh note aa ding a hong kitehsakkkik ding hi.” a ci hi. **Luke 6: 38**

Ih Pasian pen A Vanglian Huhpa ahi hi. Ann leh tui hong pia in, silh leh ten hong sik a, Inn leh lo hong pia in, tha leh ngal hong guan a, pilna leh theih theihna cihte...., hong pia lailai hi. Ih vai teng Topa ap ni. Upna tawh pia in nungta ni, Pasian kamciam tu leh atawntung adingin kicing hi.

Ngetna

Ih kamciam sumpite leh sehsuah te ihpiak kawm in, ih sumlut sung pan thumanna tawh piak sawm kik ni. Ih kispna teng hong sik ding Topa tung ngen ni. Hong piak thupha te tung lungdam ko-in, Amah ih muan lahna hangin, Topa tungah mawhmai na ngen ni.

XXXXX



Sabbath 18. May 2, 2026

Ei a Ahihna Beina

Na khempeuh adeih mihingte hi hang. Kum tam semsem deih tam semsem mihingte ih hi hi. Pasion tawh ih muhdan ki-lamdang hi.

Late 50: 10-12 Pasion in ci hi “Banghang hiam cihleh gamlak a gamsate khempeuh le, mual 1,000 tunga ganhingte khempeuh keima aa ahi hi. Mual tunga vasate khempeuh ka thei a, Gamlak ganhingte khempeuh keima aa ahi hi. Ka gil a kial phial zongin kong gen kei ding hi. Banghang hiam cihleh leitung le a sunga om khempeuh keima aa ahi hi.”

Na khempeuh Pasion aa hi a, muanna tawh Pasion in piangsak na khempeuh akem, azuun ding in ei mihing te tun ah hong ap ahi hi. Lei hauhna khempeuh Pasion a hi a, phinciltak a ih kep, ihzuun, ihzeek, ihzat ding hong hong sawl hi.

Na khempeuh Pasion aa hi cih ih theih ciangin, Ei neih ahih loh lam ih kitel semsem a, zuun ding, kepding, puahding cih ih ngaihsun thei ta hi.

Ngetna

Tuni sumpi leh sehsuah napiak laitak, Na thupha sante Topa tung lungdam ko in. Na neih na lamte midang phattuam na dingin bang ci zeek ding, bawl ding cih Topa tung dong in. Thuman na tawh napiak manin lungdam.

XXXXX



Sabbath 19. May 9, 2026

Sumpi Hang in Gentheihna leh Kialpi Veng (ADRA)

Nepal gam Kathmandu ah kum tampi kikhen lawmta nih zan kim kiholim mahmah uh hi. Zinlingna hangin a omna uh Hotel apuk ding zong lau in ihmu thei lo uh hi.

Simon leh Julian in Nepal gam ah Adventist Development & Relief Agency (ADRA) ah kum tampi nasem khawm uh hi. Nai 48 sungin zingling na hangin mi 9,000 bang si a, mimal 22, 000 val liamna ngah ahih man in Nepal ah ADRA tungtawn in manlang in sapna ngah uh hi.

A beisa kum 10 val sung bang ADRA in Nepal, Haiti, Philippines, Sudan or nang tenna gam mahmah ah dongtuak huhna kikap ciang huhzo pahpah ahih manin muakna ngah mahmah hi. Kum tampi mah kistem, kibawl, kisin himah leh lungsim, pumpi kitawl in kithanem thei zelzel hi.

Tua zan Nepal ah, Julian a kim apam a om dongtuak, gentheihna thuakte bangzah in hehpih huai cih amuh ciangin huhzawhlohna, tawh thanem in hong thum hi. Simon in “Julian aw mi khempeuh huh zo, honkhia zolo ding hi hang, mi khat ih huhna in mi khempeuh ih huhna mah ahi hi cin hong gen kik hi.”

Leitung bup dongtuak, huhna kikap, mi genthei te leh kialpi tuak mite tungah huhna na pia nuam hiam? Khat guak tawh ih sem zo kei ding a, kuamah in sem zolo hi. Mi khat ading na huhna, nasepna pen, mikhem peuh ading a sem mah na hi hi.

Phawkding

Leitung bup SDA sumpi leh Sehsuah kipawl na hangin Leitungbup Pasion nasepna tangzai mahmah hi. Mimal sepna pen tangzai zo taktak lo hi, ih kipawlkhop na- in Leitungbuppi huam zo hi. Nangma panpihna tawh ADRA in a manlang penpen in huhna kinei hi. Cina te damsak, lam-et bei te lam-etna pia, a neu penpen dongah Leitungbuppi huam in nasepna kinei hi.

XXXXX



Sabbath 20. May 16, 2026

Bang Ding A Nungta?

Ih gelna, sum leh pai, hunzatna cihte in ih-hihna hong lak hi. Hunzat dan leh sum zatna cihte'n mailam ading thu tampi tak gen hi. Tua- in bang dinga nungta cih hong lak hi.

A thupi mahmah dotna khat ngaihsun in: Tu a na nuntakna dingin Jesu hong si ahi hiam?

Jesu hun zatdan leh sum leh pai zeek dan nanga tawh a ki bang maw? Na hun zatna leh sum leh pai zeekna te Ama adingin athupi lo ahi kha diam, tua ahieh kei leh Ama deihna tawh aki lehubulh kha hiam? Jeus deihna, sihna leh thawhkikna in na nuntakna sungah kilamdanna a-om hiam?

Nuntakna kicing ih ngah theihna dingin Jesu hong pai hi. Leitung mite in Jesu hong lak nuntakna pen khanglui vai leh ciimtak huai nuntakna hi cih mah leh mihingte hong bawl Jesu in ei ading ahoih penpen thei zaw hi. Pasion lam hihna in ahoih penpen hi cih Thu-um mitampi in gen thei ding hi. Sum leh pai, innkuan sung, cidamna leh, mi tawh kikhohhna, kilawmtatna, lungnop tawldamna leh, khamuanna cihte zong ahi hi.

Pasion tung ah 100 ah 100 na kingak sawm leh tu mahmahin Pasion tungah na kingak na ding hong gen nuam ing. Ama ading nungta in.

Jesu in ci hi, "Bang hang hiam cihleh ama nuntakna a huu nuam mi in a nuntakna a tan ding hi. Keimah le lungdamna thu hanga a nuntakna a tan mi in a nuntakna a honkhia a hi ding hi." **(Mark 8: 35).**

Tu a na nuntak na dingin Jesu hong si hiam?

Ngetna

Tuni sumpi leh sehsuah na piak kawmin, na gamtat luhek leh na hun zatnate ngaih sun in. Jesu min a thangsak diam? Kipuahphat ding na neih leh lungsim kiniam khatna tawh ngen inla, na neih hun leh ni, sum leh pai, na siamnate nazeek siamna dingin Pasion kiang ngen in.

XXXXX



Sabbath 21. May 23, 2026

T 8: Anuam Nuntakna

Leitungbup khualzin kawikawi in Pasion thupha a hi, lungdamna tawh kidim nuntakna nuam cih thu, sum leh pai-in khalam nuntakna ah bang phattuumna hong pia cihte ka gen kawikawi hi. A tung in T 3 tawh nuntakna 1, Time= hun 2, Talents = pianpih siamna 3, Treasure = neih leh lam cihte ka gen toto a T 4na, T 5na.... T 7na ci-in ka mutoto hi.

US gam Arizona ah Pasion thu ka genna pan -in Apache leh Javajo mite tawh thu kikupna ah kamit hong kihong in T 8 na ka ngah hi.

T 8 tawh anuam nuntakna pen lungdamna tawh kalsuanna leh piakhiatna cihte in:

1. Time – Nisim in Pasion gam leh a dikna zonna
2. Talents – Pasion hong piak pilna siamna te Ama a ding zatna
3. Treasure –Hong piak thupha sehsuah leh sumpite tungah cihtakna
4. Testimony – Pasion in hong sepsak nate leh kei ading hong bawlsakna tungah lungdamna tawh mite tungah hopsawna
5. Temple – Pasion ading lungsim, pumpi leh kha ki-apna /zatna
6. Territory – Cihtakna tawh kim leh pan, inn leh lote kep cingna
7. Truth – Pasion thupiak te zuihna leh hopsawna
8. Tribe – Innkuan kepcingna, Pawlpi huhna, leh Leitungbup/ mi khempueh a ding thukhualna

Hih T 8 teng Pasion in muanna tawh hong pia hi a, ih sep siam ding leh Ama minthanna ding a ih zat ding ahi hi. Paul in bang gen hiam cih leh “Tua ahih manin nekna dawnna a kipan na khat peuhpeuh na hih uh ciangin Pasion minthan nadingin na hih un”. **1 Corin 10: 31**

T 8 bulhpuh in, ih nuntakna sungah lungdamna leh piakkhiatna tawh kalsuan ni.

Ngetna

Kal khat sung tawntung zonna, kanna ah Pasion thupha ih sang hi. Sehsuah leh sumpite thumanna tawh pia in. T 8 tungah ih cihtak nang Pasion kiang ngen ni.

XXXXX



Sabbath 22. May 30, 2026

Hauhna leh Cidamna

Mite'n nuntakna nam nih om hi ci uh hi. Nuntak na masa: Ih-thahatna te zangin neih leh lam, sum leh pai ki zongin, nuntakna nunung lam ah: neih leh lam, sum leh pai tawh cidamna kilei kik hi ci uh hi.

Seventh-day Adventist pawlpi pen Pasion hong lam lahna tawh cidamna lamah thupha kisang hi. Zatui piakna sikhan, zatopi te, cidam na tawh kituak ann huanna, leh cidamna tawh kisai atuamtuam bawlna hangin mitampi a nuntakna uh kikhel hi.

Cina te dam kik, lam- et bei mite leh, ih-lawm leh gualte'n lam-etna thak neikik thei uh a Pasion thupiak cidamna thu zuih ding a khen satnate uh ihmuh ciangin bang zahin lungdam huai ahi hiam. Atam zaw in ih lungsim sungah Pasion hong piak cidamna thu theihna ih nei hi, exercise bawlna, nitang, nek leh dawn, tawngakna, kha lam nuntakna, tui, a siangtho huih dik ding cih kithei kim hi mah leh, Nisim ih nuntakna ah ih neek tawm ding leh, ih-silh tawm ding tawh kibuai lua ahih manin cidamna thute zuih ding ngaih sut-in kinei man lo hi.

Na nuntakna nakim khai hiam? Na cidamna dingin hun na pia zo maw?

Paul in a lawmpa a genna hoih kasa a, tua pen nang a ding zong ahi hi. "Kong it aw, khalam thu ah na daupai mah bangin na pumpi zong dam a, na khempeuh ah na daupai nadingin thu kong ngetsak hi." **3 John 2.**

Hauhna kicing, damna kicing, leh kha lam nuntakna kicing bang zah in etlawm ahi hiam?

Ngetna

Sumpi leh sehsuah te napiak kawm in cidamna leh sum leh pai hong pia Pasion phawk in. Pasion hong piak cidamna thukhun te zuihna hangin Pasion minthang tuam ding hi. Tuni napiak sum leh pai hang in lungdam.

XXXXX



Sabbath 23. June 6, 2026

Sozo

Sozo cih pen Greek lai hi a “gumkhia, damsak” cihna hi. Dam siangsak cihna pen – Pumpi ci leh sa, Lungsims ngaihsutna leh Kham nuntakna ah damsangsinsin na ahi hi.

Luke 8 ah kum sawm leh kum nih sung tawntung siluang natna a nei numei nu thu kigen hi. A neih khempeuh bei lawh in kibawl mah leh hoih zaw cih gen loh anatna te nasia zaw kan lai hi. Tua numei nu a pumpi cidamna ngah dingin Jesu kiang hong zuan hi.

Numei nu upna in, Jesu in hong dam sak ding hi cih upna tawh mihon lak hong phu in Jesu puanmong hong lawng hi. A lamdang mahmah in a siluang natna hong damlam a pumpi-in hong thei pah hi.

Tua bek thamlo Jesu in a manpha zaw letsong pia hi. Jesu numei nu lam hong nga in “Na upna in hong damsak hi ci hi”. Lungnuam in pai in ci- in thupia hi. **Luke 8: 48.** Neime nu pumpi cidamna ngahna dingin hong pai himah leh, Jesu in pumpi cidamna, lungsims damna, leh kham cidamnate zong pia beh lai hi. Numei nu tungah Jesu in nuntak tawldamna pia beh lai hi.

Pumpi ci leh sa, lungsims ngaihsutna, leh kham nuntakna kicing tawldamna na ngah nuam hiam? Tawldamna mantaktak na deih maw? Na deih leh, hun mawk beisak nawn kenla, na nuntak sung na ngimna leh na gelnate atangtung na ding sum leh pai bekbek zong lo-in, deihna teng cinna ahi Jesu zong zaw in.

Phawking

Sumpi leh sehsuah na piak kawm in nuntakna kicing hong pia Jesu mitsuan in. Neih leh lam, sum leh pai, minthanna te sang, Jesu zong zaw in. Cihtakna tawh napiak na hangin lungdam na thu hong ko ung.

XXXXX



Sabbath 24. June 13, 2026

Ferrari Mawtaw Thak Na deih Hiam?

Peter a kici mikhat in sport mawtaw hoih mahmah khat a sanggampa tung pan letsong ngah hi. Ni khat khua sungah a mawtaw tawh hong vakin lam nawl ah khawl in van pawl khat lei hi. A van leina pan van tampi tawh a mawtaw lam hong pai leh, inn leh lo neilo a vakthap khangno khat in amit dimlet in tua sport mawtaw et cihtak in en hi.

Peter zong mawtaw gei hong tun ciangin “Tua khangno pa in mai zuum pipi in, Sia aw hih nanga ahi hiam ci-in hong dong hi.”

Peter in “Ka sanggam pa’n letsong a hong piak hi ci-in dawng kik pah hi.”

Tua khangno pa in lamdang sakna tawh van-lam dakto in amanpha mahmah letsongpi hivesh e ci hi. “Ooh lamdang si e, lamdang si e! kei zong..... kei zong,,,,,, ci hi.

Khangno pa kampau aman ma-in, Peter in ka thei hi, kei dan a u hoih neih ding lungngulh hilo na hi hiam ci-in hong dot leh, tua dan hilo hi, hi lo hi, tua na sanggam pa dan a u hoih hih ding ka ut zaw hi ci- in hong dawng kik hi.

Abraham mah bangin “Mite ading thupha ahi dingin, Topa in hong lungngulh hi.”

Jesu in “Ngahna sangin piakkhiatna ah thupha om zaw hi.” ci-in hong hilh cian zo hi. **Sawltak 20: 35.**

Phawkding

Sumpi leh sehsuah na piak kawmin nang zong tua U hoih bang thei hi teh. A hoih mahmah sport mawtaw cihte piak kullo hi. Pasion hong thupha piaksa pilna, siamna, neih leh lam te tawh a neu a lian cih omlo in, midang te tungah itna lah ding ahi hi.

XXXXX



Sabbath 25. June 20, 2026

Ih Masa Sak Ding Thu

C. S. Lwis lai-atna ah “Ih Biak Pasion in ih khualzinna sim leitungah omna ding inn hong pia hi, ahih hangin Pasion in ei-ma inn ih sak khak loh ding hong deih hi.” ci hi.

Pasion hong piak neih leh lam, a thuphate, a nei PA kua hi a, bang dinga hong kipia cih ki mang ngilh thei zelzel hi. Neih leh lam, sum leh pai, puansilh nikten, kimawlina ding van tuamtuam te, inn leh lo, pilna leh ciimna cihte Pasion in muanna tawh hong piak hi a ih zeeksiam ding zong ahi hi. Ahih hangin Pasion hong sittelna zong hi thei hi. Tawntung nuntakna ading a sepna/ neihna (tua a hih kei leh) ang sung khualna bek tawh sepna/ bawlina maw cih ahi hi.

A sin ding, a bawl ding, a hawm khia dingin hong kizawn ahi hi. Na tampi nei kei kha mah ni, ahih hang mite’n Jesu a muh theihna ding sep kul hi. Pasion nasepna ahi mission nasepna a tangzai theihna dingin, Pasion in mikim tungah pilna, neih leh lam hong pia hi. Bangzah takin lungdam huai hiam!

Mite’n Jesu a muh theihna dingin Pasion’ hong piak na thupha te zang in. Na zat leh, ei mimal mahmah zong Pasion ih mitsuan thei ding hi.

Helen Lemmel Penned in “Jesu mitsuan in, alamdang a maitang en in, ci leh sa lunggulhnate hong mial ding a, Ama vangliatna leh hehpihna sungah nop na sa ding hi, ci hi.”

Ngetna

Kal khat sung tawntung na thupha sante Pasion tung ap kik in. Ama nitang sungah napai/ na omna dingin Pasion tung huhna ngen in, ci leh sa lunggulhna te hong veng ding hi. Hong thanem sak nate pai-in, suahkhia in. Na cihtakna hangin lungdam.

XXXXX



Sabbath 26. June 27, 2026

Lungtang I Hauhna

Gamlak ah Satan in Jesu a ze-et na thu na phawk kik hiam? Tua dan ze-etna na tuak ngei maw? Na kim leh pam pan, social media te in vangliat ding, panmun sang ngah ding, za khang ding, sum leh pai hauhna leh nuntak nuam ding cih tawh ze-et na na thuak ngei hiam?

Hih dan ze-etna te ih tuak ciangin naupang no khat bangin ngaihsutna kinei kha thei mawk hi. Bang mah ngaihsun mello in, ut mah ing, ka ut hi, ka ut hi kici kha zelzel hi. Mi atam zaw in angsung khaulna tawh a kispah zah uh sangin atam zaw, a khengval zaw in khol uh a, “ Deih thuah behbeh lai uh hi.”

Matthew 6: 21 “Na sum na paite uh nget in a nek theihna, a kekseu theihna le guttate in luh in a guk theihna hih leitung ah khol kei un.” Hih pen Jesu sawlna brk hilo in “Thupiakna” ahi hi. A upmawh thu a gen zong hilo hi, hoih kha thei zaw ding hi cilo hi. “Bang hang hiam cihleh na sum omna munah na lungsim uh zong a om ding hi.” ci hi.

Na sum na pai om na-ah na lungsim om hi. Lei ah na khol leh thu hoih hilo hi.

Pasian minphatna labu sungah zong “Jesu mitsuan in, alamdang a maitang en in, ci leh sa lunggulhna te hong mial ding a, Ama vangliatna leh hehpihna sungah nopna sa ding hi, ci hi.”

Ngetna

Sumpi leh Sehsuah na piak kawmin, Pasian tungah leitung nuntakna sungah kha lam hong hatsak nate leh hong thanem sak nate na khentel theihna ding ngen in. Pasian hehpihna hangin Jesu mitsuan inla, lungdamna tawh Ama gam atang zai theihna ding na neihsa nate pia in.

XXXXX



Sabbath 27. July 5, 2026

Upna Len-Kip

Rom ah AD 65 in a om dingin kingaih sun in. Paul thongkia in, sih ding bek a ngak laitak ahi hi.

Kum tampi Pasion thu tangko in mihau, mizawng te tawh ki thua hi. Paul in mihing te'n Pasion piaksa talent te Ama ading zanglo zaw in, amau minthanna ding a zat lam nak tel mahmah hi. Mihing te'n a pilna uh, a siamna uh, leh a hauhna uh amau ading zang beklo in asuan akhak te un zong tua dan a bawl ding hilh lai uh hi. Paul in lungsim kitam zan in a kikhel mite, piakkhiat hat mite, leh a nuntakna uh Pasion ading a kipia taktak mite zong mu hi.

Paul ahih leh a etteh tak huai Jesu nung a zuih zawh denlohna hangin kisuang mahmah hi. Ei ading van hauhna nusia, mizawng banga hong om pen Jesu hi. Jesu hangin mihau te ih hi zo hi.

A beisa hun pawl khat lai in, Paul in mangmuhna nei hi. Leitung hauhna khempeuh, minthan na kempeuh leh, uk zawhna khempeuh ah Jesu ading sepna kan a, athupi zaw na dang bangmah a omloh lam hong thei khia hi.

Paul in Pa dinmun khat danin Timothy deihsakna tawh laikhak hi. A laikhak a thukhup na in hih bang ahi hi. “Galdona pha ka do zo hi. Tai kidemna ah a mong dongin ka tai zo hi. Upna ka lencip zo hi. ci hi. **2 Timothy 4: 7.**

Paul in ei adingin thu hong ngetsak hi. Ih nuntak sung ihsep, ihbawlna khempeuh ah Upna tawh kalsuan ding hong hilh hi.

Ngetna

Sumpi leh sehsuah ih piak kawmin Jesu tawh ih kinai nang thungen ni. Jesu tung ih cihtakna sehsuah leh sumpi piakna tawh lak ni. Ih-upna lencip ni.

XXXXX



Sabbath 28. July 11, 2026

Leitungbup Mission Ading Sumpi/ Leitungbup Pasion Nasepna Sumpi

Sumpi leh sehsuah te ih kaihkhop ma-in, Pasion ading na piak uh sumpite in Pasion gam a dingin na bang ci-sep cih hong hawmsawn nuam ing. Na phualpi pawlpi bek thamlo, na gam sunga om pawlpi te leh, sumpi na piakna hangin leitung mun tuamtuum ah Pasion nasem innkuan 324 ki cialzo hi cih thei lecin lamdang nasa kha ding hi.

Na sumpi khat sung pan in 20 % pen Leitungbup Mission a dingin kikhengkha hi. Hih pen General Conference pan in Division tuamtuum, tua pan Union, Union pan in Pasion na sepna munte ah huhna a nam tuatum kipia hi. Sehsuah ih-piakna tawh Pasion nasemte khasum kipia a, na sumpi piakna hangin na pawlpi kispna, na gam kispna leh leitung bup mun tuamtuum ah kispna te ah huhna kipia hi.

Sumpi na piakna hangin na pawlpi nungta, nasem thei cih na thei hiam? Sumpi piakna hangin Pasion nasemte, pawlpi kispna tuamtuum, leh Biakinn or Inn tuamtuum te kilam zo hi.

Leitung bup mipi 66% in Jesu thu za nailo uh hi. Leitungbup lungdamna thu kitang ko ziahziah in mun leh mual, gam haksatnate ah mi tampi in Jesu gup-khatna thu sangin Seventh-day Adventist Pawlpi (SDA) pawlpi ah hong ki-ap ziahziah uh hi.

Sumpi na piak man lungdam thu hong ko ung. Khuamial gamte leh minam tuamtuum te ah Pasion na kistem thei in pawlpi ki phut hi. Pasion nasep na ah na sumpi piakna in tampi tak Pasion gam tangzai sak hi. Nuntakna pia na sumpite luang tawntung sak in.

Ngetna

Sumpi leh sehsuah piakna in SDA pawlpi na sepna tangzai sak mahmah hi. Khat guak piakna pen tangzai taktak zolo hi. Ih sumpite leh sehsuah te ih gawmkhop ciangin na tampi kistem thei in mi tampi nuntak na kikhel hi. Na pawlpi in (Combined Offering) sumpi a piak leh 20 % pen Leitungbup Pasion nasepna ah kizang ding hi. Pasion in na sumpi piakna hangin mi tampi nuntakna khel sak hi.

XXXXX



Sabbath 29, July 18, 2026

Eima Hauhna Piakna hi

Hih nupate ahih leh Pasion gam adingin sumbawl te hi uh a, ngimna lian nei in, khantoh ding a lungngulh mi ahi uh hi.

Kumte hong bei toto in, sum leh pai zeekna leh a company tung panin mi tung a huhna uh, Pasion nasepte a pan pihna te ka mu hi. A piakkhiat na uh gen zawhloh in tam hi. **2 Korin 8: 9** “Bang hang hiam cihleh amah hau napi note hangin mi zawng hong suak I Topa Zeisu Khazih hong hehpihna thupha na thei uh hi. Tua in Ama zawinna hangin note na hauh theih nading uh ahi hi.” hih thu pen ei a dingin thalakna hoih mahmah khat hong suak hi.

Nupa te ahih leh Tapidaw innkuan ki-ukna pan a khangkhia mite ahih manun, kihau sakna leh, kiliatsakna khat bek neilo uh hi. A neih khempeuh uh pek khat bek zong ko a hi cilo in Pasion gam leh adikna zon na dingin pia uh hi.

Mihau mahmah nuntakna tawh a nuam penpen in nungta thei uh hi. Tua bang himah leh mi mihaulo te bangin om in, mihau ahihlahm uh zong kipholak selo uh hi.

A pasal pa phincil luatna hangin inn hoih, lo hoih leh van hoih tuamtuam zang zo ding himah leh mi mawkmawkte danin om uh hi. Dot na khat ka nei a “Pa aw ka nu tawh no ading bang mah zanglo na hi uh hiam? Hauh gamtat lo na hi uh hiam ci- in thu ka dong hi.

Kum 20 khit ciang dong, ka pa hong dawng kik na tu-ni dongmah in ka bilkha ah luai lai hi. “Piakkhiatna pen eima manphatna leh eima hauhna hi hong ci hi.”

Ngetna

Sumpi leh sehsuah te Pasion annsal ah khol ni. Pasion gam adingin ih neih a tawm, atam cilo in, ih neihkhem peuh ih piak donghin Pasion gam ading zang ni.

XXXXX



Sabbath 30. July 25, 2026

Min-Phatna Pia

Oswald Chambers in “My Utmost for His Highest” a cih laibu khat at hi. Biakpiakna laibu hoih mahmah khat in kiciam teh hi. Chamber in Tapidaw te nuntakna zia hoihtak hong lak khia hi.

A gen ahoih mahmah khat in, silpiak siamna leh painpih siamnate: “ Ih siamna te Pasion ading kipia in , kizang hi cih ngaihsutna kinei kha thei hi. Ahih hangin, nanga ahi lo nate Pasion a ding na pia thei kei hi.

Pianpih siamna, ih sum ih paite leh ih neih ih lamte khempeuh ei a kisa kha hi. Tua bek hi lo gualzawhna leh hauhna, minthanna leh liatnate ih ngah ciang eima siamna hang kisa kha thei mawkmawk hi, Pasion muhna tawh kilehbulh kha thei hi.

Kamsangnu lai -at Tuan Pupa leh Kamsangte laimai- 68

“Solomon kumpipa in minthanna leh vangliatna hong ngah ciang in, kiphatsakna a lungsim ah hong om hi. A Biak inn lam pen “Jehovah Biakinn cih ding sang in Gam tuamtuum in Solomon Biakinn ci-in hong thei zaw mawk hi. “U liante pen amau’ tunga uliante in en uh a, tuate’ tungah a en sawn Alian zaw Khat om lai hi.” **Thuhilhna 5:8.** Vanpan hong kipia thupha te eima minthan na ding leh vanliatna ding a zatna sangin a sizaw thu dang om nawnlo hi.

Na khempeuh a bawl Pa, Gum khia Pa, Na khempeuh tungah Ukzawhna a nei Pa, Pasion tungah ah tu- in tawldamna leh lungnopna zong inla Pasion minphatna pia in.

Ngetna

Sehsuah leh sumpi na piak ciangin, sum leh pai, neih leh lam, pilna, siamna hong pia Pasion tungah lungdam ko in. Pasion tung nasep, na bawlna, leh na hihna khempeuh ah na cihtakna lak in.

XXXXX



Sabbath 31. August 1, 2026

Sum Leh Pai Tawh Kisai Lungnopna

October 16, 1555 in Latimer leh Ridley upna hangin mei tawh hallupna ngah uh hi. Ridley a kithat ma nitakin alawm khatin tuzan nang gei- ah hong giakning, zan hong lum ning a cih leh, Redley in phamawh kei “ Ni dang zan ka ihmud nuam ngeina mah bangin Pasion in hong ihmu thei sak lel ding hi” ci- in dawng kik hi.

Ridley in a leitung nuntakna bei ding cih thei napi bang hangin tua zah in lungnop kha -muanna nei thei hiam? Mihaute leh mi cidam te lungnuam sa-in ihmu thei lo himah leh mizawng daipam te bang hangin tawldam takin ihmu thei uh hiam?

Ih kumte leh ih thu theihna te hong khang semsem a haksatna omlo pen lungnop tawldamna hi tuanlo a, Pasion hong ompihna in lungnop tawldamna man taktak ahi hi. Lungnop tawldamna mantaktak in leitung ci leh sa tungah kingalo zaw in, ih lungsim ngaihsutna, leh lungsim puakzia na hi zaw hi.

Cidamna hang hilo, Neih leh lam hang zong hilo. Lawm leh gual hang zong hilo. Lungnopna taktak pen Jesu sung bek ah om hi.

Paul in bang ci hiam cih leh “**Philippi 4: 6,7** – Bangmah thu ah lungnimawh loin na khempeuh ah lungdam ko kawmsa in thungen unla, na kisapnate uh Pasion tuangah pulakin na ngen un. Tua hi leh mite tel zawh loh Pasion hong iak lungmuanna in Kahzih Jesu tungtawnin note lungsim le ngaihsutnate hong cin hong kepsak ding hi.”

Lungnop, khamuanna na zong hiam? Pasion zong masa in. Ihmut nuam tawh na ihmu thei ding hi.

Ngetna

Tu-in, kalkhat sung tawntung ih summet bawlina sungpan kamciam sumpite leh sawm -ah -khat sumpite Ih piak hun hi. Sum leh pai sungah lungnopna na zong hiam? Pasion tungah sawm ah khat leh sumpite piakna in lungnop tawldamna man taktak hong hilh ding hi. Cihtakna tawh na piak man in lungdam.

XXXXX



Sabbath 32. August 8, 2026

Hehpihna Tawh Kithuap Sumzonna

Hih pen dotna khat ahi hi: Sum pen thahatna hi mawk a, sumzonna, khantohna sungah a nungta Tapidaw ih hihna tawh, hih sim leitungah nasep khualzin mi ih hih laitak, Jesu sepdan in midik hihna tawh, midangte tungah a hoih nasem thei ding ih hi hiam?

"Hehpihna tawh kithuap sumzonna" kici kammal na za ngei hiam? Hih kammal pen a tuamtuan in kigen mah leh, a taktakin i zuih theih leh a tunga dotna khempeuh i thubulpi/dawna ahi hi.

Hehpihna tawh kithuap sumzonna pen thuthak khat ahi kei hi. Kum tul li (4,000) lai-in, **Genesis 12:1-3** sungah Pasion in Abram tungah thupha tampi a piak ding na gen hi. Banghangin Pasion in Abram tungah thupha pia a hi hiam? Midangte tungah thupha a hihtheih nading ahi hi. Abram pen thupha hi dinga, thupha hawmkhia pa zong ahi hi. Hih pen hehpihna tawh kithuap sumzonna kici taktak ahi hi.

Kum tulnih (2000) lai-in, Jesu midang te tungah a thupha sante uh a hopsawn na ding A nungzuite tha na pia hi. **Luke 6: 38** "Midangte tungah pia un. Tua hieh Pasion in note tungah zong hong pia ding hi. Bang hang hiam cih leh midangte na piakna uh tawh kizui-in a henhen, a tahtah, a dimletin Pasion in note tungah hong pia ding hi." Jesu in hih kammalte a gen a kipan, A nungzui taktakte in hih thute zui-in na nungta uh hi.

1 Timothy 6: 17: 19 ah, sawltak Paul in mihaute hibang in a nuntak ding uh na gen hi. midangte tung ah huhna, piaknopna, hehpihna nei- in piak khiat ding thu na gen hi. "Hehpihna tawh kituap sumzonna" ihcih pen hi bang a nuntakna a hihi. Tua-in Pasion deihna zuihna a hihi.

Na dinmun bangbang himah leh, eima deihna leh sumzona ah ih ki-uk zawh nading thubulpi in, midangte tungah hehpihna leh lungdamna tawh piakna ahi hi.

Ngetna

Tu-in Pasion tungah sehsuah leh kamciam sumpite tawh biakpiak hun ahi hi. Pasion hong piaksa thupha te hoihtak in ih zeksiamna ding Pasion tungah thungen ni. Na cihtak na uh hang in lungdam.

XXXXX



Sabbath 33. August 15, 2026

Suahtakna Hangin Kisuangna

Tuahsiatna khempeuh ah aliam, abai, asi om in asuakta zong ki-om hi.

Khat veivei na taxi/ na mataw zeekai na hangin, vanleng laplo in tua vanleng tung a tuang mi khempeuh vanleng tuahsiatna hang si gai uh cih thu zakha thei hi teh.

Khat veivei nang mualkum ah teng in, nisim tuikhanna hangin na kim, na pam a om na vengte inn teng kisia-in nang suakta thei hiteh.

Kal khat sung tawntung huihpunung na hang, na vengte inn leh lo asiat cip a, nang inn hoi-lo, puklo a a-omna hangin na lungdamna khitui luang thei ding hi.

Na tenna gamah gal a tunma diak khalkhat sapin, gamdang munkhat peuhpeuh ah na innkuan un na laalkhiat man uh hi.


A lauhuai thupiang, sih theihna tuamtuum sungah mi tampi, tuahsia, dongtuak, si- in a om laitak nang na suahtak ciang bang hangin hih dan thupiang ahiam ci-in lungsim ngaihsutna leh lungsim kisuangtakna na nei ngei hiam? Suahtakna ah kisuanna/ lungnop lohna om hi ci-pen a om taktak thu khat hi. Leitung pen lungkhamna tawh kidim in mihingte siatna, dongtuakna, sihna leh kihatna tawh kidim hi. Simlei tungah Tapidaw khat hihna tawh bangci danin thukikna leh thuaksiamna na nei hiam?

Thupha sang na kisa hiam? Kilawmlo zahin thupha sang nakisak leh, Pasion hoihna phat inla, midangte tungah zong hawm sawm in. Nek ding ann piakin, puansilh niikten pia inla dongtuak te adingin a omna ding uh inn leh lo zong pia in. **Sawltak 20: 35** ah Jesu hong genkhin zo hi “ Ngahna sang in piakna ah thupha om zaw hi.”

Nang na suahtakna pen Pasion deihna hang ahi hi. Pasion tha-hatna tawh kalsuan in la Ama deihna teng kicing sak dingin nasem in.

Ngetna

Lungdam kipakna tawh sawm-ah-khat leh sumpite na piak kawm in, nang dan-in Pasion thupha a sanglo mite phawk in, neih leh lam bei, lametna nei nawnlo mikhat zong inla huhna pia in, nang zong tua dan dinmun na om lai-in Pasion in hong honkhia hi. Midangte huhna napiakna hangin lungdam.



Sabbath 34. August 22, 2026

Na Nuntak Sungin Pia In

Mipilte thugenna na za ngei hiam “Na nuntak sungin pia in, tua hi leh koi ah kizangin, bang ci kizat cih na thei ding hi.” ci hi.

Na sihkhit ciangin na innkuan pihte ading leh Pasion gam adingin sum leh pai, inn leh lo, neih leh lam na nusiati pen hoih mahmah hi. Ahih hang Pasion in na nuntak sungin na piakkhiat ding hong zawn hi.

A si sate deihna phawk kha lo in khat leh khat gam kituh cih- thu tuamtuan na za kha ngei maw? Tua ahik kei leh Pasion gam leh a dikna avei mahmah mite a sihkhit ciang in, gam-luah te in Pasion ading zang nawnlo in angsum khualna tawh inn leh lo, neih leh lam, van hoih nono lei thei uh hi.

Khrist nungzui-te ih hihna tawh, ih nuntak sung hita leh, i sihkhit ciang ahi zongin, Pasion in ih bawl ding / ih kep dinga hong ap Ama neihsate tungah bangci bawl ih-hiam cih thupi takin ih ngaihsut ding ahi hi. Hih ih-neih khempeuh ih tate tungah ih nusia ding hiam, biakinn ading in ih pia ding hiam, ahik kei leh nasepna tuamtuan ah ih pia ding hiam? Pasion neihsa nate khenkhiat ding a kilawm hiam?

"Hih tawh kisai-in, ih sihkhit ciang ih nuntakna ah bangmah kizatna a nei nawn lo i neihsate, ih sihkhit mateng ih let cip ding ahiam? Jesu hileh e bang cih ding ahi hiam? Jesu in bel Ama nuntakna le Ama neih khempeuh midangte ading nisim in apia khia den Pa ahi hi.

Counsels on Stewardship laibu sungah Ellen G. White in bang ci at hiam cih leh “ sihkhit ding cianga ih nawtsiat neih leh lamte pen, ih nuntak sungin ih piak khatna cikmah hunin ban zo ngeilo hi ci hi. Pasion nasem te in nisim in Pasion deihna zui in, piakkhiat ding leh thupha bawl ding ahi hi” ci-in at hi.

Tua ahik manin mipilte gen khat vei ngai kik ni “ na nuntak sungin pia in, tua hi leh koi ah kizang in, bang ci kizat cih na thei ding hi.” ci hi.”

Ngetna

Sawm-ah- khat leh sumpite ih piak kawmin Pasion pen na khempeuh a neipa ahik lam phawk ni. Nisim in Ama hong piaksa neih leh lam, pilna leh siamnate zeeksiam ni. Ih piakkhiat nate koi ah pai, koi-ah kizang cih ih theihthei lai ih nuntak sungin pia ni. Cihtakna tawh napiak na hangin lungdam.

XXXXX



Sabbath 35. August 29, 2026

A Sauzaw Sabuai

Mi khat genna ah “Mi dang sangin na neih zawk leh, a sang zaw in na huang kum kei zaw in la, na sabuai sau sak zaw in ci hi.”

A hoih mahmah genna hilo maw? Na nisim nuntak ziate lungngai inla lai- tawh at in. Hong gen phapha nuam ing “Mi dang sangin na neih zawk leh, a sang zaw in na huang um/ dai bawl kei zaw inla, na sabuai sau sak zaw in ci hi.”

Pasian in thupha hong piak ciang in, neih leh lamte kep cingna dingin huang saupipi um in kepcing zawhna ding ki ngaih sunkha thei hi. A hih hang in Piansil 12: 2 ah “Abram bang in midangte a ding thupha ih bawl ding” Laisiangtho in hong gen khin zo hi. Ih sabuai ih sau-sak (midangte ih-huh) ciangin, Pasian in ih-sumkhohlna hong dimsak kik a, tua thupha teng mah tawh thupha a bawl kik thei hi.

2 Korin 9: 6, 8 ah “Note in na phawk ding uh thu panin: Khaici tawm a vawhte in tawm mah la dinga, tampi a vawhte in tampi mah la ding uh hi. Note in na kisap khempeuh uh na neih theih nading uh le midangte huh nading zong na neih tuah theih nadingun Pasian in hong pia thei hi.”

Jesu in sabuai saupi-te (midangte huhna) it mahmah hi. Amah in mi tampi tawh an ne khawm nuam a, khat vei annek khawmna ah mi 5,000 na ngawn an- vak hi. Tu-kum in na sabuai bang ci in sau-sak ding cih pilna na zon leh, Luka 14:12–24 sim in.

Na hoih sepna manphatnate genna ding hun kicing ih-nei kei hi. Tomtak in gen lehang, sabuai a sau leh cidamna sau hi, lawm leh gual tam hi, nuntakna nuam hi.

Ngetna

Sawltak 20: 35 “Ngahna sang in piakna ah thupha om zaw hi”. Pasian in SDA pawlpi te midangte tung ah thupha ahi ding, abawl dingin Athupha namkim hong pia hi. Tuni in Pasian thupha sante midangte tungah ih hopsawn theihna hang in Pasian tung lungdam ko ni. Pasian sumpi leh sehsuah te lungdamna tawh piakik ni.

XXXXX



Sabbath 36. September 5, 2026

Piakkhiatna Nasep

Laigelh siam mi minthangte thu kiza mun mahmah ta leh, a zi, or a pasalte thu ih za mun kei hi. Ellen G White pasal ahi James White thu bel ih za zelzel hi.

James's pen lai-at siam mi hi a, Sangsia leh, Pasion thugen siam mikhat ahihi. Piakkhiatna tawh kisai- in James White in bang gen hiam cihleh "*Piakkhiatna cih pen nasep khat ahi hi; nasep dangte mah bangin kisin ding ahi hi*" (*Review and Herald, Feb. 17, 1903*).

Piakna tawh kisai mite hih bang in gen uh hi. Sum zon sangin ih sum neihsa, ih zonsate ih zeek siam ding haska zaw hi ci uh hi. Pilna leh lungdamna tawh piak theihna in pilna mantaktak hi a zong ih-kisin ding kizam hi. Pianpih siamna tawh ki ngah zolo hi.

Mitampi phatnuamna dingin sum leh pai tawh huhna piakna kinei himah leh a mawknapi in na kizeek, na kizang thei mawk hi. Tua dan ih tuak nawnlohna dingin midangte khialhna tungtawn leh ei mahmah khialhna pan kisin thei hi hang.

Pasion hong piaksa neih leh lamte hoihtak ih zeek siamna ding leh ih kepsiamna dingin, ih neih khempeuh Pasion tungah ap- in amah zeeksak ni. Amah kiangpan sin ni.

Ngetna

Pasion tungah ih kamciamsa om mah bangin, sumpi leh sehsuah te ih pawlpi ah ih piakna ah, sum leh pai tawh kisai zeek ding leh a kem ding leitung buppi SDA kipawlina nei ih hih manin Topa tung lungdam ko ni. Ih phualpi pawlpi sumkem (treasurer) te a kipan, saziantsit (auditor)te leh sum lam makaite khempeuh, Pasion' tungah ih piak sumpite thumanna leh thungetna tawh a kemcing mite hong pia ih Biak Pasion tungah lungdam.

XXXXX



Sabbath 37. September 12, 2026

Leitungbup Mission Fund

Ih vantung Pa in A itna le upna thu leitung bup ah a kizeel nadingin lampi tampi tawh kong hong kiu hi. Ih sumpiakte nasepna thak tampi-te adingin kizang hi.

Pasian thutangko nasepna ah ih lametna sanga tamzaw-in kha mangthang ih ngah ciangin bang hang hiam cih na ngaihsun ngei hiam? Pasion thu-um mithak tam lua ahih manin biakinn ah kita nawnlo, biakinn thak lam nading, biakinn kawmna ding kisam hi. Hih bang hun ciangin, ih geelsa nate leh ihneih sa sumte kicing zo nawnlo hi. Upna thak a ngah mite upna lamah khangto in a picing theihna ding, biakinn building-te, Lai Siangtho bu leh, maikai sinna ding sanginn thak cihte pawlpi-in bangci neih zawh/ pia zo ding ih hi hiam?

Na omna pawlpi ah "Combined Offering Plan" (Sumpi piakhopna geelna) na zuih uh leh, na sumpi khempeuh uh panin khenkhat pen hih fund ading kikoih pah hi. Ahi zongin, na sawm-ah-khat le kamciam sumpite banah, biakinn nasepna ading leh Pasion ading tampi sem nuam, bawlnuam na hih leh, Leitung bup Mission Fund ading ci in lai-ip tawh pia pah thei hi teh. Ih kipawl khop ciang leh kigawm ciang bek mah in Mission nasepna ah khantohna lianpi ih nei thei hi.

Phawkding

Seventh-day Adventist pawlpi-in ihneih, ihzat ahi sawm-ah-khat leh sumpi ih piakna pen leitung bup mission nasepna ah ih kigawmna, ih-thahatna lianpi ahi hi. Khatguak sum tawh na lianpi kitem zolo hi. Ih sumpite ih kipawlkhopna, ihkigawm khopna in mitampi nuntakna kikhelsak in anungta Pasion thu theih lawh uh hi. Sawm-ah- khat leh sumpi na piak kawm in nang deihna sangin Pasion deihna masa sak zaw in.

XXXXX



Sabbath 38. September 19, 2026

Itna In Pia Hi

Hih thu in a theih baih huai mahmah thu khat himah leh ka thei zo kei hi. Ih maitang ah om ih nak bangin a kilang mahmah thu khat hi.

Lai sim khempueh in atheih ding uh thu ahi hi. Tapidaw nuntakna ah athupi penpen zong hi kha ding hi. Bang hang hih kammal nih deihna ahi “ Itna in Pia Hi” cih thu sau veipi tel zolo in ka-omna lamdang ka kisa hi.

Upna leh sum leh pai tawh kisai kumtampi sung thugenna nei kawikawi-in, thukan na zong ka nei kawikawi hi. A tel zolo ka hih kei leh thudonlo kha zong ka hikha mai thei hi. A vom leh a kang a kilamdanna a kitel mah bangin tu-in katel theih mahmah ta hi.

Hih thu pen Laisiangtho mun minthang mahmah **John 3: 16** ah kician tak in na gen hi. Hih laisiangtho mun pen mi awn tampi-in zong a lotngah ciat uh ahi hi. Kum nga apha naupangno te in zong hih Laisiangtho mun lotngah uh hi. Kei zong kum sawmli (40) val pek a ka ngah sa ahi hangin thudonlo kha, lim ngahsunlo kha ka hihna lam ka kiphawk kik hi.

Nikhat ni ciangin kaphawk kha hi.

Pasian in hong “IT” ahih manin Atapa neih sun hong “PIA” hi.

Telbaih mahmah hi.

“Itna in Piakna” hi.

Phawkdin

Sehsuah leh Sumpite ih piakna pen Aneipa tungah Itna ih lah kikna ahi hi. Itna leh piakna kizom hi. Pasian na leh Ama nasepnate itna ihlahna in, piakkhiatna ahihi. Tuni na piakna hangin lungdam.

XXXXX



Sabbath 39. September 26, 2026

A Tawntung Thuman

Khangham mikhat genna ah “kum sawm 70 a pha khat in a theih thu leh late, kam in gen theihloh/ gen zawhloh hi” ci-in gen hi. Kumtam semsem na ii a hoihna khat in tuah khak thu leh late kikimkhai theita in thuman theihna in kinei semsem cih thu ahi hi. Cihnopna in kumtam semsem thu hoih, thupha, thusia khentel siam semsem cihna ahi hi.

Thuman ih cihte in:

Kibawlna sangin kidal kholhna hoih zaw hi.

Sum in lungnopna lei zolo hi.

Na neek na dawnin hong cidam sak thei in, zong hong nasak thei hi.

Pasian lampi mah a hoih penpen leh thuman penpen ahi hi.

Hih thuman kigente ih neutung pan ih zakzak thute himah leh mihing nuntakna tawh kileh bulhsa in umlo, zui nuamlo-in ih ut bangbang gamta in, neekna, dawnna kinei hi. Hunte hong paipai in tua hong kigen thute pen thuman leh nuntakna kicing hong pia ahih lam ihphawk kik hi.

Khat veivei ciangin hih thuman thute mihing ngaihsutna tawh kilehbulh tawh kibang hi. Gentehna in **Sawltak 20: 35** “ Ngahna sangin, piakna ah thupha om zaw hi.” cihte amantak pidiam ci-in ki ngaih sun thei hi. Christmas singkung nuai-ah letsong manpha ngah ding ngakna hiam? hilo hi. Christmas Mangpa Khrist tungpanin letsong manpha akingah ahi hi.

Kum tampi mihing nunzia kanna kineih khit ciangin, khang hamsa Tapidawte’n neih leh lam ih kepna sangin piakkhiatna ah hauhna om zaw hi ci ciat uh hi.

Aman taktak thu-in: “Ngahna sangin piakna ah thupha om zaw hi.”

Phawkding

Tuni sehsuah leh sumpite Pasian tung ih-ap kawm in, Laisiangtho sunga om tawntung thumanna leh lam hong hilh, huhpa Khasiangtho hong piakna hangin, Pasian tungah lungdam ih koh ding ahi hi.

XXXXX



Sabbath 40. October 3, 2026

Tuu- Lampai

Tuu pen ganhing pil in kigen mah leh, khat vevei ciangin tuudangte nung a zuihna hangin tuu gawhna phual tung kha thei hi.

Leitung cina in natna satna tawh kidim bek thamlo gal leh sa tawh kidimin om mah leh angung ading bek ngaihsun in inn leh lo, neek leh dawn, gualnopna tawh kibuaibuai lai hi. Leitung mihingte ci leh sa deihna kizui in mitaw bangin ki-om ta hi. Ei ngaihsutna e leh koi-ah a om diam? Leitung nopna sungah ih bual zaw diam? Tua ahieh kei leh ih lungsim ngaihsutnate khanglo sakin a manpha zaw nate ih en zaw diam?

1 Johan 2: 15: 16 ah hi bang in gen hi “ Hih leitung nate le Pasion tawh kizom lo thute deih luatin nei kei un. Mi khatpeuh in hih leitung nate a deih luat leh amah in Pa Pasion it taktak thei lo hi. Bang hang hiam cih leh pumpi deihna, mittawh mu-in i deihte le mite’ kisaktheih pih nate ahi leitung nate khempueh pen Pa Pasion tawh a kizom thu hilo a, leitung tawh kizom thu ahi hi.”

Tuu bang in launa tawh tuu hon nung zui ding maw? tua bek lo in leitung nopna sungah bual ding maw? Jesu nungzui eite e leh tuu bangin lawmte nung zuih leh leitung nopna sungah nuamsa in ihmu in om ding maw? tua dan hi peuhmah lo hi. Jesu nung zui na hih leh na khan lawh hunta hi.

Pasion itna sungah ihnuntak dinga, ki hehpih in, kikep kidon ding ahi hi. Pasion in leitung ah hong khangkhia sak mah leh leitung mite bang ding hilo hi. Tua ahieh ciang haksatna hunsung ah mite lametna a pia leh damna a pia mi ih hih ding kismah hi.

Rom 13: 11 ah “Tu hun pen bang hun hi ta ahi hiam, ci-in thei ta na hih manun tu-a bangin na gamtat ding uh ahihi. Tu- in note in khuaphawkin na khanlawh ding uh hun hi ta hi. Bang hang hiam cih leh Jesu Khrih I up cil lai hun sangin tu-in Pasion in leitung haksatna panin eite hong honkhiat ding hun hong nai zaw hi” ci hi.

Hih atek leh a lungkham huai leitung pan in ih mit te tawh a sanglam ento ni. Tuu cing HoihPa nung zui in, tuudang te in Tuucing MangPa azuuhna ding in huh ni.

Phawkding

Sehsuah leh sumpite ihpiak kawmin, leitung ci leh sa lunggulhna panin ih kikep zawhna ding in ki-ap kik ni. Pasion deihna bangin lungdamna leh piakkhiatna tawh nungta ciat ni.

XXXXX



Sabbath 41. October 10, 2026

Thuman Galdona

Tulai khangthak sum met bawlina, kidona leh gal thu a piangsak gamte in a piang thu thak hi nawnlo hi. Hih sum met bawlina in nidang tanglai a galkapte leh gamvai ngimna dingin a kizang leh a ngeina dan khat ahi hi. Galte ading sep khatna leh kispna te a luangkhatna phalna cihte ki khak tan in, tua in gamsung a om lampi te, leite leh van koihna mun te ading tampi tak sukha hi. Hi dan gamtatna in a kizam nate tampi tak phatuam sak hi.

Galkap te tangthu ah, a zen zen in gal huh te khaktan, lam piangsak/ gam mangsak pelh cih bangin ahih zawh uh leh agal te un hoih takin galsim thei nawnlo ding uh hi. Hih in galzawhna ding a hoih mahmah thu ahi hi.

Satan in nang leh kei Pasion nasepna mitsuan in hong nei hi. Satan in Pasion nasepna ah ih lung ong buaisak a, ih ngimna pan lampial ding leh Pasion hong piak thu te sungah ih lung buai ding hong deih mahmah hi.

Satan in khemna tuam tuam te zangin Pasion nasepna ah ih pai khialh ding deih mah mah hi.

Satan in Pasion a ahi ihneih, ih lamhte koiah kizang, bang dinga kibawl cih ngaihsut in neilo hi. Leitung buppi ah lungdamna thu tangkona dingin Pasion hong piaksa sum leh pai neih leh lamte a kizat ding lau mahmah in lungsim patau mahmah hi.

Ngetna

Seventh-Day Adventist te sungah seh sawm suah seh khat piakna in Pasion nasepna ah a tangzai mah mah khat ahi hi. Khat guak I piak khatna bek hilo zaw in, khat leh khat mapang khawm in piakkhatna in mi a tul tampi te Ih nuntakna kikhel sak zo ding hi. Tuni ih piakkhatna lakpan in ih lungsim buaina omsak lo in phaltak in piak khat ding ahi hi. Pasion tungah na cihtakna te hangin lungdam.

XXXXX



Sabbath 42. October 17, 2026

Kidopna leh Thungetna, Ahih Hangin Launa Hilo

Matthai 14: 27 sungah, “Jesuh in amaute hopih pah a, Na lungsim uh hangsak un. Keimah ka hi hi. Lau kei un”, na ci hi. Zeisu um na pi, Peter in amah leh amah mundang hilo tuihualpi sungah ding ahih lam ki phawk hi.

Amah I upna kalsuana sungah, Zeisu hong mangilh in, a kim a pam a lauhuai nate hong mu a, launa leh dipkuatna tawh hong kidim hi. Peter dan in ih tuah khak ding baih mah mah ding hi, ih lungmuan na tawh om laitak thakhat thu in launa piang vat thei hi.

Ih nuntakna sungah launa hong om tak teh, laisiangtho sim in, ih lungsim Zeisu kiang lamah nga ding hi hang. Ih launa leh dipkuatna te vengsak in zingni thak suak bangin beisak ding hi hang. Zeisu itna leh hehpihna limtakin sim le hang launa teng veng ding hi.

Laisiangtho in leitungah gimna hong piang ding cih gen khol khin hi. Zeisu in hih thute hong pianma in hong hilh khin zo ahih manin eite in Zeisu ih upna ih khah suah khak loh ding thupi ahi hi.

Haksatna ih tuah khak hun teh, ih cidamna, sum leh pai haksatna ahih kei leh na khat peuh peuh ih sup tak ciangin, kidawm kawm, thungen kawm sa in hangsak takin mai nawt toto ni.

Ngetna

Tukal sung ih ngah zah lakpan Pasion ading seh sawm suah seh khat leh kamciam sumpi te Zeisu ading ih khen khiat ding kisam hi. Ih haksat hun in ong huh a, a citak Pasion, kitangsapna hong sik Pasion ih neih khak pen bangzah takin lungdam huai hiam. Tuni in na cihtakna tungtawnin lungdam mah mah hi.

XXXXX



Sabbath 43. October 24, 2026

Kenah Kikhai

Na nuntakna sungah ken ah khau khat tawh kikhai kha dingin na ngaihsun ngei hiam? Khau nih om ding a, khat pen khau a neu mahmah leh kilim bawl lo hi ding hi. Adang khau khat pen mipil, misiam te khutma hi in a kip leh a kho mah mah hi ding hi. Tua ahieh manin den a khau mawk mawk leh hih khau a to pen koi na muang zaw ding hiam? A nih in lauhuai tuak na sa ding hiam? Nang na hih leh a khauh zaw khau lenkip in hong um ing.

Nang in tua ken tung pan in upna lianpi tawh tua khauneu tawh lengkhia ngam ding na hiam? Ahieh kei leh tua khau a khauh mah mah muang zaw ding na hiam?

A tawpna ah na upna tungah na suahtakna ding lungmuan huai hilo hi. Tua khau tungtawn panin a suakta ding hizaw teh. Upna ih cih in na khat peuh peuh ih muanna tungtawn in kisai zaw hi.

Pasian in nang leh kei tungah siamna khat tek hong pia a tua tung tawnin khat leh khat tua ih siamna te ih suan luat leh ih muan khak loh ding thupi mah mah hi.

Ei I siamna, sep khiat theihna leh ih gualzawhna tung tawnin ciaptahna teng in Pasian thupha ahi hi. Ahi zongin Pasian in ama tungah ih cihtak ding leh ih hih theihna te ih suang khak loh ding hong gen hi. Pasian I hihzawhna, sep khiatna te in tua khau te tawh tehkak theih ding hilo hi.

Tukaal sungin nang in bang khau tungah na upna na nga hiam?

Ngetna

Pasian tung ih kamciam sa bang leh ih piak ngeisa dan mah in seh sawm suah seh khat te ih piak kik hun ta hi. A vanglian Pasian ih up khak leh ih theih khak manin bangzah in nuam huai a, bang mun bang mun ih tung zongin, Pasian in eite hong hon ding a, kiptakin hon len den ding hi.

XXXXX



Sabbath 44. October 31, 2026

Na Nuntak Sung in Pia In

Pasian in hong piaksa thupha te amah ih piak kik theihna in bang zah takin hampaha ih hiam? Ih nuntakna, sihna thute om kawm kal ah, ih hih theih zah in Pasian tungah ih piak kik ding ahi hi.

A dah huai mah mah thu khat in, mi pawl khat te a neihsa uh amau tung bek ah a sih ma dong uh kem ten tan thei uh hi. Tua bang mite a sih uh ciangin a innkuan pih te in sitni (lawyer) te dong in ko bang zah ngah ka hi uh hiam ci uh hi. Bangzah takin dah huai ahi hiam?

Pasian um takpi in, Ama a bek mah ih hih lam ih ki phawk leh bang hangin ih tate in ngah thei ding uh hiam? Sihna in Pasian neihsa kitat sak lo-in, ama tungah ih cihtakna beisak tuanlo hi.

Innkuan in daupaina ding, thupha ngahna dingin Pasian tungah citak takin piak khatna theihna ding lampi om hi. Tua ahih manin Pasian tungah ih piak kik ding bang hangin zekai ih hiam? Pasian tungah a citak mi khatin Pasian neihsa teng theih ngeiloh na mun ah ahih kei leh khang thak ading ahi zong, innkuan te kamkiselna a piangsak thei dingin ih neihsate ih nusia kha hiam?

A tawpna ah, a kizekna mun leh kizatna mun thei kawm sa mah in, piak khatna sungah na nungta hiam?

2 Korin 9:6-8 sungah, “Note in naphawk ding uh thu panin: Khaici tawm a vawhte in tawm mah la dinga, tapi a vawhte in tapi mah la ding uh hi. Pasian in a piak nopna lungsim tawh a pia mite bek deih ahih manin, a kuamah peuh in na lungsim sung uh ah na ngaihsut sa zah ciat uh na pia unla, pia nuamlo pipi leh sawl zawh thu bek tawh na pia kei un. Note in na kispah zah khempeuh uh na neih theih na ding zong na neih thuah na dingun Pasian in hong pia thei hi.”

Ngetna

Pasian tungah ih kamciam sa mah bangin, seh sawm suah seh khat leh lungdam sumpite lungdam takin Pasian tungah ap kik ni. Pasian in ih nuntakna sungah thupha ong pia khin a, tu in amah tungah lungdamna lahna in pia kik ciat ni.

XXXXX



Sabbath 45. November 7, 2026

Mission Khat/ Ngimna Khat

Mi awn sawm nih leh nih bangin amau leh amau Seventh-Day hing na kici uh hi. Khat leh khat khut kilen khawm in Sydney pan Auckland, Auckland pan Santiago, Santiago pan Buenos Aires, Buenos Aires Pan Johannesburg, Johannesburg pan Perth, tua pan in Sydney cih bangin khat leh khat mihing kizopna kinei thei ding hi.

A zawng pen panin a hau pen dong, leitung a panpih van bawl tawm te leh kimawlna lam ah a uk mite, Adventist te in namdang pau 900 val tawh Pasion biakna kinei hi. Leitung ah minam leh gamtatzia kibat loh hangin ih biak piak Pasion khat bek mah hi.

Ih biak pen khat bek mah hi-in tua in **Johan 17** sungah a nungzuite amah tawh a pum khat ding a deih Zeisu ahi hi. Amah in eite amah nasepna ah pum khat theih nang, thumaan na ah ding tang ding leh ama teci pangin ama minthan na dingin itna tawh sep khiat nuntak neihna ding a lunggulh ahi hi.

Hihte in hih zawh na dingin ama tungah sumpi te man a piak ding ahi hi. Eite Kipawl khawm in Pasion hong piaksa thupha te ama tungah ap kik leng amahin tuate sungpan in mun tuam gam tuam ah ama nasepna ah kizang khia ding hi.

Ngetna

Ih sumpite, seh sawm suah seh khat te ih piak ngeisa a om mah bangin, itna tawh piak khiatna in ama pawlpi ading ahi hi. Pasion ading citak tak a na piakkhiatna te tungtawn in lungdam mah mah hi ung.

XXXXX



Sabbath 46. November 14, 2025

Pulak Khiat Loh Galhangte

Global Mission Pasion nasemte a ki pulak khia lo galhang, galdo te ahi uh hi. Tuhun leitung nuntakna sungah hidan mi tampi takte in mun thak, gam thak sung va lut in Pasion na semin Seventh- Day upna tawh pawlpi va kiphut hi.

Amau paina mun a tam zaw in ahiah leh, pawlpi gentheihna mun, ahiah kei lei a beisa huna kipan pawlpi lawhcin lohna mun cihte ahi hi.

Amau te in hih dan omna munte ah va pai in a nisim nuntakna ah Pasion thu a gamtat luhek uh leh sepna tawh na lak uh hi. Khua sungah tua mite tawh bawlung sui khawm, lo ah buh te suan pih ahiah kei leh a nasepna ah va huhin tua bangin kikhawl khopna na nei uh hi. Hehpihna lungsim nei a, a kitang sapna uh huh in, mite muan theih dingin na om uh hi. Tua khith teh Pasion thu genpih pan uh hi.

Zeisu mah bangin hih mite in amau sepna munah kipia khia mah mah uh hi. Zeisu tawh kizopna neih theih na dingin amau te in kiniam khiatin, a hun neih sunsun te ki meltheihna, kilawmtat na in zangin kikhawl khopna bawl uh hi.

Global Mission Pasion nasemte panpih na dingin kum khat in khatvei ta sum kidong hi. Na omna pawlpi-in tuadan azat leh sumpi kidon na lai-ip tawh na khiat ding ahi hi. Na sawm ah khat leh sumpi bek hilo, kum khat sung na sumlut, summet na pan in Gobal Misssion Pasion nasem te ading na sumpi khen khia in.

Pasion in Global Mission nasem siate a gam leh a dikna a zon masak ding a zot mah bangin, nang leh kei zong hong zawn hi, inn ah ihkhol sum leh pai te tawh huhna pia ding hong zawn hi.

Phawkding

Leitung bup Pasion nasepna ah kipum khatna in ihpiak sum leh pai te hi. Khat guak hanciam na tawh na lianpi kitem zolo himah leh, mitampi tawh ih sepciangan leitungbuppi huam in Pasion na kitem zo hi. Sawm ah khat leh sumpit e ih piakna in a tawntung adingin mite nuntakna kikhel sak hi.

XXXXX



Sabbath 47. November 21, 2026

Pasian Aw (Loudspeaker)

Laisiantho sungah Noah, Elijah leh tuiphum Johan te bangin, ei Seventh-Day Adventist te ading lawp a huai thu leh a nuam mah mah Mission Pasian in hong pia hi. Mailam ah bang hong piang ding cihte leh Topa Zeisu nih vei kum kikna ding agenkhia mite hihang. **Mangmuhna 14** sungah siangtak in hidan hong gen hi. "Leitung tangthu sungah hotkhiatna lian pen hong tung ding hi. Kiging sa in om in!

Hih kammal leh thupuak in ahiah leh Greek pau in Megaphone cihna ahi hi. Tua ahiah manin Pasian I hong itna thupuak a gen Pasian Megaphone (Pasian loudspeaker/Pasian thu tangko) te hi hang.

Adventist te sep khat lahna in Khasiangtho zangin leitung buppi ah thupuak ding thupi tak muanna ih nei hi. Eite in kiniam khat kawm Pasian na nasia takin sem a Christ hong pai kik ding cih thu a tangko dingin hong sam hi. Hih thupuak in itna nasepna tawh sem a, mi khat leh khat ki hih kawm in, Pasian thu tangko na nei in, zato te leh sangte ah Pasian nih vei kum kikna thu tangkona ih neih ciat ding ahi hi.

Tuiphum Johan in Pasian lampi bang danin na sial hiam cih leh, Topa Zeisu nih vei hong kum kikna ding genna na nei hi. Mite kisik kik dingin sam in, a lungsim uh leh gamtatna tawh kigin theihna ding un thugenna na nei hi. Tua mah bangin tuhun ah zong Pasian thukham zui a, Zeisu Christ theihna leh upna a nei mite in Topa Zeisu nihvei kumkikna ding thu kitel takin lampi a sial mite ahi dingin hong sam hi.

Phawkding

Ei Seventh-Day te ih pawlpi sungah seh sawm suah seh khat piakna in a lian pen leh a zai pen Pasian nasepna leh vantung mithum tangkona thu ahi hi. Tuni in Pasian tungah na cihtakna leh na itna tawh ama tungah na piak kikna tungtawnin lungdam mah mah hi.

XXXXX



Sabbath 48. November 28, 2026

A Tangten, Mizawng, Puteek

A kum tamna tawh kituakin a nungta puteek khat, sum ngahna kician zong neiloin gam uk kumpi te geelsakna inn ah teng hi. Pasion piaksa, neih leh lam tawh kisai laibu khat sim in, putek pa'n kei leh laibu at pa amah kiangah a hawh ding hong deih hi. Amah in hong sapna thu in ahieh leh "kong gen nop thu khat om hi", hong ci hi.

Amah kiang hawh ding ka sot to hi. Bang hang hiam cih leh amah in sum hong ngen ding um ka hih man ahi hi. Kimuh ding ka ciam ni a inn ah a na omloh ding ka deih sim sim hi.

Amah tawh ka kiho khith uh teh aman a inn ah om a van lui te a zuakna thu leh amah in bangci bangin sum te a inn sap piakna dinga khen khiat dan hong gen hi. Laibu simna tungtawnin amah ading sum tawh kisai to na/ vau na a piak lam zong hong gen hi.

Na takpi maw? ci in ka dawng kik hi. Kei in hih a tang ten puteek khat in kei at laibu simna tung tawnin phattuumna a ngah pen lamdang ka sa mah mah hi.

Himah hi. Kei ka hih leh ka ngahsa lak panin Pasion ading 10% ka pia tawntung hi. Tua khith ciangin ngimna thak ka nei kik a tua in seh sawm suah seh nih lak pan 10% Pasion nasepna ah zat dingin in ka khensat a, tu in tua ngimna kacin zo hi. Ahieh hangin na laibu at ka sim tak ciangin seh thum suah lakpan in 10% Pasion nasepna ah piak khiatna in Pasion in sawlna hong nei hi. Nang kong thehsak nop thu in ahieh leh tu in Pasion in 30% a pia khia zo dingin thupha hong pia hi.

Hih puteekpa thugen kawmin a mittui hong luang a, kei zong ka mitui kakhm zo kei hi. Amah pen a teek, a zawng leh a tangteen mi khat hilo hi. Pasion nasepna ah a hau mah mah mi khat leh Pasion innkuan ahiehna ka mu khia hi.

Ka mawtaw omna ah pai in ciah ding ka ki thawi kawm sa in amah kiangah hawh ding ka sot to to na thute hangin leh amah dinmun ka neu muh nate hangin Pasion kiangah mawh maina ka ngen hi.

Phawkdin

Pasion tungah ih kamciamsa ahi seh sawm suah seh khat ih piakna tungtawnin, a mangthang mite hotkhiatna ding leh ih ngahsa lak panin Pasion ading ih khen khiat sumpi te thuman tak leh thungen kawmin Pasion gamzai na ding nei ciat hi.

XXXXX



Sabbath 49. December 5, 2025

Fund Bawlna Maw or Upna Khansakna

Mi khat in hidan hong gen hi. “Nang in sum tangte na lim kep leh sum dal te amau leh amau kikem ding hi”. Hih thu in leitung bup ah sum zek siamna ding thu khat ahi hi. Sum neu tungah ih cihtak leh a kicing in sum zekna ngahna ih nei ding hi.

Pawlpi sung sum kem te leh Pasion nasepna zatna ding mun te ah ih theih ding thu khat ahi hi. Pasion nasepna sum zeknate ah ong lut sum mal te tungah citak na tawh zek ding ahi hi. Amaute in sum ngahna ding lampi tuam tuam te zangin sum tampi ngah theihna ding geel kawmsa in Pasion na sem ding uh ahiam?

Himah hi. Sum ngahna ding geelna te in tampi tak hong huh tuam mah mah hi. Ahi zongin, a thupit mah mah mah bangin, ei bawl tawmte zuakna lakpan sum ngahna te sangin sum ngahna zeek siamna ding geelna kician tampi tak om hi.

Sum zeek siamna in Pasion kiang pan sum ngahna ding tawhtang ahi hi. Midang te kiang pan amau cihtakna tungtawnin Pasion in thupha piakna te ih zak ciangin ih upna leh ih piak khiatna nopna khang sem sem hi.

Upna piak khiatna ah na cihtak leh sum zeekna in amah leh amah na kikem ding hi.

Ngetna

Ih seh sawm suah seh khat ih piak khiatna tungtawnin, Pasion hong sapna ah amah tona nei ni. Pasion hong piak thuphate ngaihsun kawm in, ih upna leh ama hoihna te midang te tungah hawm sawm kawm in ama teci pang khawm ni.

XXXXX



Sabbath 50. December 12, 2026

En-in! Kiging Un!

Colombia ah kham theih guih theih lam ah a sem ahi Pablo Escobar in leitung bup kipawl na kham theih zuakna hangin 80% bang a uk mi khat ahi hi. A sanggam pa ahi Roberto pen tua nasepna kikal ah palai a sem khat hi in, “The Accountants” cih laibu a gelh pa zong ahi hi. Tua laibu sungah Roberto in bang gen hiam cih leh, Pablo sum lutna tampi himah leh kum simin a sum neih zah lak pan 10% zusa nekna leh sumsiat luatna hangin ki zang theilo hi ci hi. Pawl khat in a genna ah, Escobar in zusate ading 10% a piak zah pen dollar billion khat val phial hi na ci hi.

Zeisu in Matthai 6:19 sungah, “Nget in ne in a kekseu theihna, gutate in luhin a guk theihna hih leitungah na sum uh khol kei un”, na ci hi. Zeisu leitung ah hong om lai in a huai ham mah mah mi pawl khat om cih a theih man in hidan a gen zong hi thei ding hi. **Luka 12: 13-21** sungah Zeisu in a hau mi haipa thugentehna khat na nei hi. Tua laitakin mihon lak panin mi khat in Zeisu kiangah, Sia aw, ka sanggam pa in gamh pawlkhat tawh kei inntuan nadingin hong gensak in na ci hi. Ahi zongin Zeisu in mipa kiangah, no unau gamh a hawm dingin kua in kei hong seh ahi hiam? ci in a dawng hi. Tua ciangin Zeisu in amaute kiangah, “Hoihtakin kidawm unla, na huaiham loh na dingun kikem un! (13-15)

Zeisu in tua thu a genna pen, bus tung khat ah mihonpi khat a kihen gawp tawh kibangin na gen hi. Bawng tal hat mihonpi lakah a nawk dingin a ngaihsut mah bangin, Zeisu in, Kiging un! Na nuntakna ding uh tai un!” ci in a kiko tawh kibang hi. Na tuam tuam lunggulh luatna pan kidawm un! Mi khat I nuntakna pen a neihsa te tungah kingak ding hilo hi na ci hi.

“Leitung in mi khempeuh kitangsapna takpi pia thei mah leh, mi khempeuh i lunggulh luatna pia zolo hi”, kici hi. Lunggulh luatna nuntakna panin kihem in, ih nuntakna kem hi.

Ngetna

Tuni in Pasion kiangah ih seh sawm suah seh khat leh kamciam sumpi te ih piak khiat ciangin, ih lungtang sungah lunggulh luatna/ huaihamna lungsim khat peuh a om kha hiam cih Pasion in hong sit sak na ding leh a tawntung nuntakna lamah hong makaih dingin thungen ni.

XXXXX



Sabbath 51. December 19, 2026

Ih Lungsim Sung Ah A TawnTung

“Tuni-a ka sepna te in tangtawn ading phattuumna omsak takpi ding hiam?”

Hih dotna in tuni leh hong pailai ding nite ading ihneih ihgelnate ngaihsut phat ding hong hanthawn hi. Pasion in hong piak, i hun leh thupha te ama minthan nading leh amah pahtawi den na dingin ihzat ding thupi hi.

Jesu Khrist nungzui ih hihna tawh, ih leinunna pen haksa in gentheihna tawh ki om mah leh tawngtung nuntakna dingin kigin kholna ding ahi hi. Nungzui Johan in hih bangin tha hong pia hi “Pasion Tapa a um mite in nuntak tawntungna a neih na hih lamtak uh na theih na dingun hih lai a hong gelh ka hi hi.” **1 Johan 5:13.**

Hih thu na mu thei hiam? A tawngtungin nungta paisuak ding cih kamciam ih zak ciang bang zahta in lungdam huai ahi hiam?

Tua kamciam ih sanding leh ih-up ding bek ahi hi. Pasion’ thupha ih san ciangin, ih kizopna te, ih nasep te, ih laisinnate, ih-sumzatna leh ih-piakkhiatna te-ah tawntung nuntakna ading in ih zat ding thupi hi.

Tuni mahmah in tawngtung nuntakna adingin nasep kipan thei hi teh.

Ngetna

Kumbei na sungah Pasion neihsa, sawm-ah-khat leh sumpite na piak kawmin nang leh nang kisitel in “Tuni ka gelna te leh mailam ading kagel nate-in atawngtung adingin bang kilam dangsakin, bang phattuumna pia zo ding hiam cih ki-ngaihsun in.” Pasion in mantak leh cihtak na tawh lungdamn sumpi leh citpiak sumpite pia dingin hong zawn hi. Tuni’n cihtakna tawh na piak manin lungdam.

XXXXX



Sabbath 52. December 26, 2026

2027 Kum Sung Piakkhiatna Geelna

“Systematic Benevolence” (A kician piakkhiatna) cih pen sum leh pai zonna ah metna, bawlna ah ih ngah khempeuh panin Pasion ading bulphuh na tawh, a gam leh a dikna zonna, leh leitung buppi ading ngaihsutna tawh napiak khiat sawm-ah-khat leh sumpi ahi hi.

Pasion in A tapa Jesu tungtawngin tukum sung hong piak Athupha te ih sim kawmin, ki-ap na leh thungetna tawh Athuphate pia kik ni.

Tukum Pasion thupha sang na kisa hiam? Amah muan ding leh upding na kisin beh nuam lai hiam? Pasion neihsa sawm-ah-khat na khenkhiat khiat ciangin, nidang a na piak ngeina sangin a tamzaw Sumpi pia in. A zah khat sang a tam zaw maw? or a zah nga,, tua ahieh kei leh a zah nga sangin a tam zaw piak sawm na hiam?

Ngetna

Maikum sungah,sawm-ah-khat banah na ngah sumte pan Pasion' tungah " Kamciam Biakpiakna Sumpi na pia nuam hiam? Pasion' mai-ah tua bang khensatna ih bawl mah bangin, hih kum bei, ni tawpna Sabbbath ah sawm-ah-khat leh sumpite tawh Topa bia ni. Ei mimal deihna nial in Pasion deihna masa sak ni.

XXXXX